




Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1348/A







Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1348/A





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1348/A



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1348/A



1348


A



25440

Chisle  
8/9/10







DE ABVS V


PHLEBOTOMIAE

PETRI CASTELLI

ROMANI

Medici, & Profefs. in Almæ Urbis Gymnafio.

*Opus vtile, atque neceffarium ijs Medicis, qui tutò  
per fanguinis miffionem mederi volunt.*



ROMAE, Typis Francisci Corbelletti. MDCXXVIII.  
SVPERIORVM PERMISSV.







ILLVSTR.<sup>MO</sup> ET REV.<sup>MO</sup>

PRINCIPI

FRANCISCO

BARBERINO

S. R. E. CARDINALI

AMPLISSIMO,

ET VRBANI VIII. P. O. M.

NEPOTI.

PETRVS CASTELLVS

*Romanus Fælicitatem.*



ARDVA profectò res  
est ( Illustrissime Prin-  
ceps ) artificialis Medi-  
cina . Neque enim qui  
medetur , se ipsum tan-  
tummodo præstare debet opportuna  
agentem ; sed ægrum quoque , assi-  
den-



dentēs, & extrinsecus occurrentia om-  
nia ad Medici nutum expedita esse, &  
se accommodare est opus. ἰ' αὐτὸς au-  
tem, ( qui iurè artifex vniuersalis, &  
Magister dicitur, ob scientiarum om-  
nium cognitionem, quibus imbutum  
esse, eum par est ) vt sit aptus ὅτι καὶ τῆς  
τῆς φιλοσοφίας desideratur in primis ille, (ad  
hoc, vt ex arte mederi possit) qui bo-  
nus φιλόσοφος est, clarè id Galeno probā-  
tē in libro inscripto. Quod optimus  
Medicus, qui optimus Philosophus.  
Et dedecet ipsum in Anatomicis disle-  
ctionibus non esse versatum, dubitare  
enim quis posset, an partium situs, lo-  
caq; affecta nota habeat. Sed maximè  
eundem Astronomicis imbutum esse  
scientijs conuenit: vt de futuro morbi  
euentu aliquid certi præsagire valeat,  
ac tēpus agnoscat rectè offerendi re-  
media. Medicinæ verò partem illam  
Theoricam, quæ morborum essen-  
tias,



tias, differentias, causas, signa, atque  
indicationes, si non ad vnguem ade-  
ptus quis fuerit, medici nomen nullo  
merebitur pacto. Atqui nequē satis  
hæc sunt ad optimum constituen-  
dum Medicum; sed totidem etiam  
circa praxim in eo requiruntur dotes,  
& scientiæ: si quidem optimo artifi-  
ci propriæ artis instrumenta ignora-  
re non licet, quæ nil prorsus aliud  
sunt, quàm τὰ κατὰ φύσιν simplicia,  
tum etiam composita, quapropter  
simplicium cognitionem habere  
oportet Medicum, non Vegetabi-  
lium modò, sed etiam Mineralium,  
& Animalium: His vt accedat, etiam  
necessarium est, compositionum, &  
præparationum cognitio, vt vulga-  
rium (quas communiter obseruant  
Pharmacopœi) ita quoque exquisitio-  
rum, (quas introduxerunt Chimici)  
Sed nequē his contentus esse potest

a

3

opti-



optimus Medicus, (tanta est Artis difficultas!) verùm Alimentorum vires, & præparationes exactè priùs considerasse eum conuenit, quàm victus rationem ægro præscribere audeat. Requiritur denique etiam Chirurgicæ operationis vsus, & scientia, vt perfectus in medendo euadat, nec in Phlebotomiæ præsertim vsu errata committat: quibus aptè instructus Medicus, si Scientiæ coniunxerit Exercitationem medicam, is procul dubio optimus erit iudicandus: alioquin altera tantùm parte præditus iurè claudicare dicetur.

Hæc omnia iam olim ego præmeditatus fui, & ideò diu noctuque, ac totis viribus conatus sum, cunctas Medicinæ partes commemoratas adipisci, vt in optimum (si per me fieri posset) euaderem medicum, nullis parcens laboribus, nullis expensis,  
nullis



nullis periculis, quantum autem pro-  
fecerim aliorum esto iudicium. Hoc  
vnum in memoriam reuocabo, adeo  
me Philosophiæ operam dedisse, ut  
meruerim onus suscipere, te iubente  
( Illustriss. Princeps ) eam publicè in  
Romano Gymnasio docendi. In Me-  
dicina autem, & Theorica, & practi-  
ca quid ex triginta annorum labori-  
bus consequutus sim, ex libris meis de  
Vomitu, de Suffumigijs, de Aquis  
Romanis, & ex Epistolarum deca-  
dibus X. ex consilijs, &c. cuique fa-  
cile innotescet; nec minùs certè la-  
boravi in Herbarum, ac fossilium in-  
uestigatione, uti, tum edita, tum eden-  
da Hippocratis materia Medica fi-  
dem faciunt. sed Animalium perseru-  
tatio adeo mihi grata fuit, ut opus  
meum de Insectis ob rei difficulta-  
tem, & raritatem potius inuidiam,  
quàm laudem iam mihi parere sciam.



Intactas nec volui medicamento-  
rum vtrasquè relinquere præparatio-  
nes: Nā & de Duratione Medicamē-  
torum, & Pharmaceuticam artem, &  
Pharmaconomasticum, & Antidota-  
rium amplissimum conscripsi, nec  
non etiam Chemicas Quæstiones, &  
alia multa.

Ex tot tantisque meis laboribus, ex  
tot vigilijs, atque lucubrationibus, nil  
aliud lucratus sum, nil mihi compa-  
raui aliud, quàm detractiones multas,  
inuidias, odia, & inimicitias eorum,  
qui, quæ ipsi ignorant, alios etiam  
ignorare cupiunt. Hæc munera! Hæc  
præmia virtutis! hoc solamen labo-  
rum! sed ita adhuc; aliud spes mihi  
prælagit in futurū, at figulus figulum  
odit. Interim ego sub vmbra fausti,  
fœlicisque nominis tui (Card. Am-  
pliss.) recubans, detractationesque  
nihili faciens de Abusu venæ sectio-  
nis



nis breui libello agere decreui, ne  
Iuuenes, à summa benignitate tua  
mihi erudiendi concessi, in aliquem  
circa ipsam incidant errorem: quod  
à te ( Principum Princeps ) accipi  
velim, vt grati animi mei signum ob  
tot tantàque accepta beneficia. faxit  
Deus, vt maiora etiam in me confer-  
re velis, vt vales, ita ex animo Nesto-  
reos tibi sanctissimoque Auunculo  
tuo deprecabor annos.



Per-



Perillustri, & Reu.<sup>mo</sup> D. D.  
**IVLIO MANCINO**  
**SENENSI**  
**S. D. N. VRBANI VIII.**  
**MEDICO A CVBICVLO,**  
**PROTHONOTARIO APOSTOLICO,**  
**ET CANONICO VATICANO.**  
**PETRVS CASTELLVS ROMANVS S.P.D.**



*U*l lites habent Iudicem  
querunt, & Iustum, &  
Sapientem, et Propitium.  
Mihi controuersia est de  
sanguine mittendo, ad te  
igitur iurè confugio; ( admodum Illust.  
& Reueren. Mancine ) equitas enim  
tua suspensa non eget Hedera, quum adeò  
nota omnibus sit, ut à me verbis extol-  
li non debeat : si Sapientiam quæro,  
Medicorum sapientissimum te iudicauit  
ille



le, qui sua Sapientia, & Dei gratia, in  
sapientissimos dominatur, suæ valetu-  
dini te præfecit, atque tuæ prudentiæ eam  
ipsam commendavit. Causa mea est  
Medica, Medicum ideò aptè eligo Iudi-  
cem. quem si propitium benignumque  
luribus in me collatis beneficijs hucus-  
què nactus sum, eundem & in posterum  
futurum spero. Te igitur quæro (per  
illust. & Reueren. vir) æstimatorem,  
& Arbitrum eligo, & te constituo Iudi-  
cem disceptationis huius meæ de Abusu  
venæ sectionis, in qua ostendere conatus  
sum, quàm breuissimè, tum peccare eos,  
qui nimis parcè, tum qui nimis abun-  
danter sanguinem è Vena mittunt, con-  
cedat medicinæ creator summus Veri-  
tati consentanea me proponere. Vale,  
valetudinemq, tibi bonam seruet Diuus  
Lucas Medicus cuius hac die natalitia  
colimus. Anno. 1628.

AD



# AD MEDICINAM ALLOQVVTIO

De Perill. & Excell.<sup>mo</sup> D. D. Petro Castello  
Romano, Philosopho, & Medico præclarissi-  
mo, Chimiæ, & Botanicæ peritissimo, ac in  
Almæ Urbis Gymn. profess. digniss.  
Præceptoriq. suo cariss.

*MICHAELIS MASSINI CHIENSIS.*

**Ι**δρις ἀκροβόλῃ χαίροις παυπείροχε τέχνη  
τῶν ἀσκληπιαδῶν δία ἐπαγγελίην  
Ἀντιπάλες μὴ πτώσε τρεῦς πλέον, ἀπτοός ἔσθι  
Ἀκροπόλῃος ἔσθω ναιετάεσσα Πέτρε.  
Οὐκ ἐνόησες ὅπως τόγε νῦν ὑπερήσπισεν ἡρώς  
σεῖο; τὸν υβριστὴν πᾶμπαν ἐλεγξάμενος;  
Ὅς δ' ἀθυροσομέων φάσκει καλὸν ἐξοχευεῖν εἶναι  
ἐκφλεβός ἀρρώστων ἀπλετον ἀμ' ἀρσεν,  
Ὡς προμαχῶν προμάχισε Πέτρος μεγαλάνυμος ἀνὴρ  
ἐκ ἄρα μάτ' τοῖν ἐσχεν ἐπ' αὐνυμίην.




AD

IN-



# INDEX.

## A

-  *Bortus à phlebotomia . 63. 64.*  
*Aetas quantitatem phleb. deter-*  
*minat . 36. 38.*  
*Aluus exiccatur à nimia phlebot.*  
*66. 67. 68.*  
*Aluus humectatur à nimia phleb.*  
*59. 66. 67.*  
*Antiquorum quorundam peccatum . 3.*  
*Arabes accusati à Trullerio . 5.*  
*Arabes auxerunt Medicinam . 7.*  
*Arabes benignè exceperunt Græcos . 5.*  
*Arabum doctrina . 7.*  
*Arabes facti Hispani . 6.*  
*Arabes non esse Erasistrateos . 9.*  
*Arabes mittunt sang. ad Syncopem . 10.*  
*Arabes utuntur sæpe phleb. 10.*  
*Auerroes audacior Galeno in phleb. 11.*  
*Auerroes, & Galenus uniuntur . 11.*  
*Auerroes reprehendit Galenum . 11.*  
*Auerroes timet syncopem à phleb. 11. 12. 54.*  
*Auicennas dicens Caue cum Hipp. loquitur . 12. 95.*  
*Auicenna explicatur . 65.*  
*Auicennæ libri mirabiles . 8.*  
*Auicennæ libri in omnibus Gymnasijs explicantur . 9.*  
*Auic. libri soli sufficiunt ad optimum medicum . 8.*  
*Auicenna omnia desumit à Græcis . 4.*

*Aui-*



## I N D E X.

*Auicenna quando latinè redditus. 6.*

*Auicenna sequitur Gal. 4. 70. 73. 75.*

*Auicenna sequitur Hipp. 64. 65. 74.*

### B

**B**ilis ebullitio fit à phlebot. 74. 75. 77. 78.

Bilis prohibet Venæ sectionem. 74. 75.

Bonus sanguis exiguus prohibet phleb. 73.

### C

**C**achexia à nimia phlebot. 61. 63. 93.

Carnes habent calorem à sanguine. 50.

Ciborum fastidium prohibet phlebot. 87. 88.

Concoctio debilitatur à phlebot. 59. 60.

Conuulsio à phlebotomia. 53.

Copiosa phleb. corpus refrigerat. 50. 79.

Copiosa phleb. semper nocet. 50.

Cor. Celsus explicatur. 71.

Crisis impeditur à phleb. 60. 61.

Crisis tarda in pueris. 25.

Cruditus prohibet phleb. 71. 79.

Cutis rarior viris. 30. 31.

### D

**D**ecimus quartus annus nullam vim habet. 32.

Decolores non purgandi. 52.

Delirium à fluxu sanguinis. 57.

Era-



# I N D E X.

## E

- E** *Rasistratus existimatus Hippocrati par.* 56.  
*Erasistrati experimenta.* 55.  
*Erasistratei Romæ exules.* 16.  
*Erasistratei sang. non mittentes.* 4. 44.  
*Erasistratei sang. copiosè mittentes.* 4. 44.  
*Euacuatio ad syncopem, quæ requirat.* 54.  
*Euacuatio naturalis sæpè non sufficit.* 25.  
*Euacuationis copiosa nocumenta.* 56.  
*Exanguis quid sit.* 52.  
*Excedens phlebotomia damnatur.* 59.  
*Excessus venæ sectionis nocumenta.* 43.  
*Experientiæ cuiusdam Medici non facilè creden-*  
*dum.* 55. 78. 95.  
*Experientia omnium Romanorum certa.* 56. 90. 91.

## F

- F** *Ebres quædam non ferunt phleb.* 76. 77. 78. 79.  
*Fernelius pleraque transcripsit ab Auic.* 6. 77.  
*Frigiditas ob venæ sectionem damnatur.* 50. 51.

## G

- G** *Alenus confusus.* 8.  
*Galenus contra Erasistrateos scripsit.* 4. 39.  
*Galenus de quantitate sang. explicatur.* 37.  
*Galenus explicatur.* 36. 71. 80.  
*Galenus se explicat.* 38.

*Gale.*



## I N D E X.

- Galenus pueris prohibet copiosam phleb.* 38.  
*Galenus vnitur cum Auerroee.* 12.  
*Galenus locus 11. meth. reijcitur.* 34.  
*Galenus locus 4. Acut. explicatur.* 34.  
*Galenus metus.* 51.  
*Galenus ratio soluitur.* 24.

## H

- H** *Aemophobi, qui fuerint primi.* 3. 4.  
*Hamorrhagia in pueris.* 20.  
*Hippocrates explicatur.* 64.  
*Hipp. locus 4. Acut. explicatur.* 35.  
*Historia sanguinis multum emissi.* 63.  
*Humores frigidi recrudescunt à phleb.* 74. 79.  
*Hydrops à nimia phlebotomia.* 61. 62. 63.  
*Hydropi nocet phleb.* 69.  
*Hypocondria tripliciter inflantur.* 89.

## I

- I** *Nedia non aufert plethoram.* 26.  
*Inedia non corrigit vitia sanguinis.* 35.  
*In statu morborum non mittitur sanguis.* 61.  
*Iubertus Gallus non probat multam phleb.* 55.

## L

- L** *Egenda quæ sint.* 55.  
*Libri Auicennæ leguntur publicè.* 9.  
*Libros Auicennæ explanant doctissimi viri.* 9.  
*Medi-*



# I N D E X:

## M

- M** *Edicina ab Arabibus aucta.* 5.  
*Medici mali quales.* 2.  
*Medici Romani præclarissimi.* 51. 16.  
*Medicus minister natura.* 19.  
*Menstrua octauo anno.* 21.  
*Menstrua quinto anno.* 21.  
*Menstruorum retentorum nocumenta.* 41.  
*Menstruata non secatur vena.* 69. 70.  
*Menstruata quando secatur vena.* 10.  
*Mollia corpora non dissoluuntur perspiratione.* 32.  
*Morbi magnitudo qualem indicat phleb.* 35. 72.  
*Mors acceleratur à Phleb.* 57. 58. 59.  
*Mulieres Romana faciunt secare venam pueris sine Medico.* 15.

## N

- N** *Ocumentum.* 1.<sup>o</sup> à phlebotomia est corporis refrigeratio. 50.  
*Nocum.* 2. à phleb. est decoloratio corporis. 52.  
*Nocum.* 3. à phleb. Obcæcatio, & surditas. 32.  
*Nocum.* 4. à phleb. Nerviurum læsio. 53.  
*Nocum.* 5. à phleb. syncope. 53.  
*Nocum.* 6. à phleb. læsio facultatis animalis. 57.  
*Nocum.* 7. à phleb. Senectus, & Mors accelerata. 57.  
*Nocum.* 8. à phleb. debilitas corporis, & coctionis. 59  
*Nocum.* 9. à phleb. Cachexia, & Hidrops. 61.

b

No-



# I N D E X.

- Nocum.* 10. à phleb. Abortus . 63.  
*Nocum.* 11. à phleb. in Apostematum principio. 64.  
*Nocum.* 12. à phleb. Alui astrictio . 66.  
*Nocum.* 13. à phleb. lesio menstruatarum . 69.  
*Nocum.* 14. a phleb. humorum crudorum inconco-  
 ctio. 70.  
*Nocum.* 15. à phleb. euacuatio sanguinis pauci boni. 73  
*Nocum.* 16. à phleb. bilis ebullitio. 74.  
*Nocum.* 17. à phleb. Pituitæ congelatio. 79.  
*Nocum.* 18. Mors pleuriticorum. 82.  
*Nocum.* 19. cibi fastidium, & Ventriculi debili-  
 tas. 87.  
*Nocum.* 20. lesio eorum, quibus tumidum Hypocon-  
 drium est. 89.  
*Nocum.* 21. longa conualescentia. 90.  
*Nocum.* 22. Articularium morborum augmen-  
 tum. 90.  
*Nocum.* 23. à phleb. Quia putredinem non tollit. 91.  
*Nocum.* 24. à phleb. post coitum nocet. 92.  
*Nocum.* 25. à phleb. inducit sterilitatem. 93.

## O

- O**culorum acies habetatur à phleb. 52.  
 Omissa venæ sectio Athletis nocet. 40.  
 Omissa phleb. nocet in febribus quibusdam. 42.  
 Omissa phleb. nocet hæmorrhoidibus clausis. 41.  
 Omissa phleb. nocet mulieri sine menstruis. 40.

Pa-



# I N D E X.

## P

**P**arisienses ferunt melius phlebot. 87.  
 Parisiensis schola utitur medicamentis Arabum. 6.

Pauperes à Medico occiduntur phleb. 96.

Phlebotomiæ præstantia. 1.

Phlebotomiæ nocumenta. 2.

Phlebotomia optima pro pueris. 18.

Phlebotomia tutior purgatione. 22. 23.

Phleb. humores subtiliat. 65. 66. 84.

Phleb. humores prauos sano sang. miscet. 64. 65. 83.

Phleb. humores malos per corpus fluere facit. 64. 65. 78. 83.

Philemates temerarij. 43.

Pleuritis à tenui bile læditur à phleb. 84. 85. 87.

Pleuritis à flatu læditur à phleb. 83. 84.

Pleuritis à pituita crassa læditur à phleb. 83. 84.

Pleuritis cum sputo sang. læditur à phleb. 84. 85. 87.

Pleuritis levis non requirit phleb. 82. 87.

Pleuritis sine dolore ad Claviculam non tollitur phleb. 86.

Pleuritis falsa læditur à phleb. 82.

Pleuriticis omnibus non conuenit phleb. 85. 86.

Pregnanti non secatur vena. 69.

Pueri abundant sanguine. 19.

Pueris non secatur venam Gal. 13. 17.

Pueris mittit sang. Hipp. 14.

b 2

Pue-



# I N D E X.

*Pueris peccat sang.* 19.  
*Pueris fiunt Crises per hæmorrhagiam.* 19.22.  
*Pueris fit pauca resolutio.* 28.29.31.  
*Pueri ferunt phleb.* 22.  
*Pueri ferunt purgationes.* 22.23.24.  
*Pueris cutis densa.* 29.30.31.  
*Pueri, Eunuchi, fœmina conueniunt.* 27.  
*Pueri Romani vinum potant.* 39.  
*Puerorum euacuatio insita non prohibet morbi generationem.* 25.  
*Puerorum temperies non impedit phleb.* 25.  
*Puella 9. annorum Vtero gestantes.* 21.  
*Puella sanata hæmorrhagia narium.* 20.  
*Pulsus in Syncope.* 53.

## Q

**Q** *Viescendum est in Vigore morbi.* 60. 61.  
*Qualis cruditas permittit phleb.* 81.

## R

**R** *Efrigeratio à spirituum inopia fit.* 50.  
*Resolutio naturalis non corrigit vitia sanguinis.* 35.  
*Resolutio copiosior fit in Iuuenibus, quam in pueris.* 27.29.31.  
*Reuulsio fit à phleb.* 67.69.70.  
*Romæ venæ sectio minùs conuenit.* 87.  
*Romani Medici audaciores Galeno.* 14.  
*Romani Medici odio habent abusum phleb.* 17.  
Roma-



# I N D E X.

*Romani Medici secant Venam infantibus . 14.  
15.*

*Romani Medici sapienter audaces. 13.*

*Romani Medici sequuntur Celsum. 14.*

*Romani Medici sequuntur Hipp. & Gal. 17.*

*Romanorum Medicorum præstantia. 12.*

## S

**S** *Anguis à copia grauatus refrigeratur. 81.*

*Sang. bonus si paucus est non mittatur . 73.  
76.*

*Sang. missio conueniens non metuenda. 11.*

*Sanguis mittendus cum est opus. 18.*

*Sanguinis missio humores subtiliat. 64.*

*Sang. missio humores ducit per corpus . 64.*

*Sang. missio humores prauos sano sanguini miscet.  
64.*

*Sang. missio non conuenit in principijs Apostema-  
tum . 64.*

*Sang. penuriæ Vitia. 59.*

*Sanguinis qualitates. 77.*

*Schola Parisiensis defenditur . 43.*

*Schola Parisiensis non secant venam bile peccan-  
te. 77.*

*Scholares Parisienses admonentur. 85.*

*Scholæ Romanæ Alumni quales. 13.*

*Senectus acceleratur à pbleb. 57. 58. 93.*

*Sepulcretum Auctoris. 62.*

*Singultus à pbleb. 53.*

*Sputum in pleuritide reuellitur à pbleb. 85.*

Ste-



# I N D E X.

*Sterilitas à phleb. 93.*  
*Surditas à sang. euacuatione. 53.*  
*Sufius Hæmophobus. 13.*  
*Sufius notatur. 79.*  
*Syluatici Argumentum non phlebotomandi pue-  
 ros. 17.*  
*Syluatici Argumentum soluitur. 35.*  
*Syncope timetur ab Auerroë. 12. 54.*  
*Syncope timetur à Galeno. 12.*  
*Syncope fit à phleb. 54.*  
*Syncope à phleb. aliquot mortui. 55.*

## T

**T***Emperamentum puerorum non prohibet phle-  
 bot. 27. 33.*  
*Temperamentum Mulierum, & Eunuchorum, ac  
 puerorum simile. 33.*  
*Torpida perfrigerationi phleb. nocet. 51.*  
*Tremor à fluxu sanguinis. 53.*

## V

**V***Elox morbus tollitur veloci remedio. 26.*  
*Veneris nocumenta. 92. 93.*  
*Venus siccat. 68.*  
*Vena sectio conuenit pueris. 21. 22.*  
*Vena sectio per accidens refrigerat.*  
*Ventriculo nocet phleb. 84. 87. 88.*  
*Vires attendendas voluit Hipp. 36.*  
*Vires puerorum validæ ad phleb. 27. 32.*

*Vires*



# I N D E X.

*Vires puerorum minuunt copiam sang. detrahendi.*  
33.

*Vires debiles non ferunt phleb. 92.*

*Virium robur non est cum cruditate. 72. 79. 81.*

*Virtus debilitatur à phleb. 66.*

*Vomitus supprimit aluum. 68.*

*Vrina biliosa qualis est. 76.*

## F I N I S.





# ERRATA.

<i>Pag.</i>	<i>Lin.</i>		<i>Lege</i>	
6	6	Languius		Langius
8	9	perfectò		profectò
12	6	num. 1.		num 5.
28	12	retinere		retineri
34	13	abtinenter		abstinenter
42	6	moriri		mori
44	7	veriare		variare
59	25	sanguinis		sanguis
65	21	V. S.		V. G.
66	4	quod		qui
73	13	adeſto		adeſtote
95	12	sæpa		sæpè

Alia Lector amicus emendet.



AD STUDIOSSIMOS  
IN ALMÆ VRBIS  
GYMNASIO  
MEDICINAE  
CANDIDATOS.

PETRVS CASTELLVS ROMANVS  
*eiusdem Gymnasij Professor S.*



ULLVM profectò (ornatissi-  
mi Iuvenes) citius, præstan-  
tiusquè in Medica arte reme-  
dium ipsa Phlebotomia ha-  
beri posse videtur: hoc siqui-  
dem quasi repentè exopta-  
tam adipiscimur sanitatem, si, prout Artis præ-  
cepta, & dogmata iubent, adhibeatur. Con-  
trà tamen, his ignoratis, & in abusum si con-  
uersum fuerit, non salus, sed perniciēs præstò  
erit. Et quod doctissimus ille de Pharmacia  
edixit, esse nimirum veluti nouaculam acu-  
tam, quæ in manu Pueri, vel insipientis inuti-  
lis, ac nocua omninò est etiam ipsi tractanti,  
à sapienti autem viro adhibita ad plurima  
utilis fit. Nos idem de Chirurgico hoc opere  
dicere aptè possumus: Phlebotomia nempè, si

Phleboto-  
miæ diuer-  
sus vsus.

A in



Occasio  
scribendi.

Adhorta-  
tio ad di-  
scipulos.

in bonum Medicinæ vsum trahatur ab Erudi-  
to Medico, certam pollicetur ægrotanti sani-  
tatem : si verò quis , qui genuinas normas ,  
verumq; phlebotomiæ vsum ignoret, eam ad-  
hibere voluerit, pro sanitate mortem inducet.  
Prauam phlebotomiæ vtendi modum *Abusum*  
vocamus. *Vsum* verò, quum rectè adhibe-  
tur. Vt igitur Vos Alumni Scholæ Romanæ  
omnium nobilissimæ, Eruditissimæque cauere  
possitis Abusus, qui in Venæ sectione patratur;  
sciatisque Verum, & legitimum ipsius vsum,  
duabus hisce Epistolis decreui Vsum, & Abu-  
sum phlebotomiæ ostendere; & primo quidem  
Abusum explicabo, vt cognoscatis, antequam  
oculos vobis semper sint ( studiosissimi iuue-  
nes) pericula imminetia à praua venæ sectio-  
ne, & nè à vobis petentium sanitatem ægro-  
rum Homicidæ potius, quàm seruatorum sitis,  
eo potissimum opere, à quò rectè imperato,  
quod desiderabatis impetrare potuissetis, ma-  
lorum, indoctorumque Medicorum more, qui  
lucro intenti, nec studijs operam nauant, nec in  
morbis requisitas indicationes norunt, pu-  
tantque sola phlebotomia omnes depelli posse  
morbos; quod de facto accidit, quum, & mor-  
bum, & vitam eodem tempore ab ægrotante  
tollant. Et se Medicos venditant! Equidem  
pro certò habeo, quod si à me scribenda at-  
tento animo legeritis, & exactè consideraueri-  
tis, memoriæque mandaueritis, fore, vt in cu-  
randis ægrotantibus, adhibendaque sanguinis  
missio.



### Phlebotomia.

3

missione admodum cauti, ac circumspēcti futuri sitis: tradam enim exactam priscorum Medicorum doctrinam, necnō communem Illustris Scholæ Romanæ vsum ipsa in phlebotomia adhibenda. Qui, quæso, tutò curabit Medicus, abusus suæ artis præstantissimo instrumento? cuius peccatum quodlibet circa excessum, defectum, locū, tempus, modum, numerum, &c. certissimam affert necem? aggrediar igitur alacriter prauæ Venæ sectionis explicanda nocumenta, in vestram gratiam (nobilissimi adolescentes) simul etiam afferam quædam Eruditionibus non ingrata futura.

Incumbendum igitur est toto animo, & studio omni in sermonem *περὶ καταχρηστικῆς τῆς φλεβοτομίας*. Duplex autem est Abusus circa venæ sectionem, aut enim est *ἐκλείψις*, aut *ὑπερβολή*. de Defectu prius, posterius verò de excessu agam.

*περὶ ἐκλείψεως*

**P**eccauerunt non pauci antiqui Medici venæ sectionem in suis ægrotantibus omit- tentes. Arisippo enim Anidio primū auctore de explodendo venæ sectionis vſu dogma suscitatum est; Galeno teste de Venæ s. ad Erasistratum. cap. 2. Crisippus autem Cnidius (vt inquit idem de cu. ra. per sang. m. cap. 2.) venæ incisionem ex omni medicinalium præsidiorum numero tollendam censuit. Secuti hunc sunt sui discipuli, & ipsi apud Græcos

Qui fuerint hæmophobi.

A 2

clari,



Erasistrati  
conuer-  
si a Gale-  
no.

clari, Medius, & Aristogenes. His etiam magis Erasistratus, ad summos euectus honores Chrysippi seruauit sententiam, habuitque affectas, discipulosque plurimos, ut Apœmantem, Stratonem, & alios. Cōtra quos ἀμφοτέρους, seu sanguifugos duobus, seu potius tribus libris disputauit Galenus. Atque plurimos Romæ existentes Erasistrateos adeò debellauit, ut mutata sententia, relictæq; sanguinis auersione in contrarium iuerint vitium, carnificesque cruenti fuerint reddit, vnde à Galeno iterum reprehenduntur de Venæ sect. ad Erasistrateos, tum cap. 1. tum 6. tum deniquè ultimo. eo, quod nimis temerè, nimisque damnosè ipsum emiserint sanguinem. Verum autem, & liberalem, sed non prodigum, nec auarum, mittendi sanguinis vsum aureo libello nos docuit ipse Galenus, quem Arabes Medici totis viribus imitari conati sunt, præsertim verò Auicennas eorum princeps, qui ad vnguem, ferè omnia quæcumque à Galeno, & Hipp. de Venæ sectione tradita fuere in suum caput de Phlebotomia transtulit, neque ab illis unquam recessit, nisi magna vi coactus; itaque Auicennæ Opus nil aliud est, quàm Hipp. & Galeni monumenta mutato ordine in linguam Arabicam translata; & deploranda quidem est, non autem accusanda, calamitas illa, quæ in Versionibus Arabum scriptorum contigit, nempe in latinum sermonem fuisse conuersa ab interpretibus, barbarè admodum loquentibus



tibus. an quia barbara sit latina versio culpan-  
 dus est Arabicè scribens? quare mirari subie  
 de ijs omni impetu in Arabes irruētibus, atque  
 scribentibus. *Artes omnes liberales, & scientia,*  
*& Medicina in primis in Arabum, aliorumq;*  
*Barbarorum manus inciderunt, à quibus erro-*  
*ribus infinitis deturpata est, adeò, ut nullum,*  
*pristini decoris vestigium in ea agnosci possit,*  
*inter quos, et Erasistratea illà Hemophobia ite-*  
*rum ab inferis in lucem reuocata.* adduntque  
 Medicinam Barbarorum Tyrannide oppressam  
 à neotericis in libertatem esse redactam, &  
 alia similis census, ex quibus pauca nunc con-  
 futanda eligere placuit.

Arabes  
 acculati.

Sciant autem Discipuli mei Medicinam  
 nunquam fuisse Tyrannicè ab Arabibus de-  
 pressam; sed liberam, & in maxima dignita-  
 te, atque veneratione apud ipsos extitisse, at-  
 que diligentissimè fuisse excultam, ac exorna-  
 tam magnificè: imò quàm aliæ nationes eam  
 Tyrannicè opprimebant, quando nimirum ea  
 ipsa, sine Hippocratis, sine Galeni, ac sine alte-  
 rius magni viri legibus abutebantur, illa con-  
 sultò, & cogitatò ad Persas primùm, vbi erat  
 Auicenna, deinde ad Hispanos, inter quos A-  
 uerroes Cordubensis erat, confugit, vbi gen-  
 tium erant Medici Arabes, & simul commi-  
 grarunt Hippocrates, Galenus, cæteri; Græci,  
 atque tutissimò sese receperunt, benignè au-  
 tem ab illis primò accepti fuere, postea Hispa-  
 ni amplexati sunt eosdem, adeò, ut breui ciues

Arabes in  
 Hispania  
 Mauri di-  
 ci.

Arabes in  
 Hispania  
 Mauri di-  
 ci.



Hispanoarabes declamati fuerint, vbi, quum iam Arabicè loquerentur Hipp. atque Galenus; huiusmodi loquendi modum deserere, ceperunt non multò post: quoniam Toleti Gerardus Cremonensis Auicennam latinè reddidit, vt refert Languius lib. 2. Ep. 2. ac tandem in Hispania tam Auicennas, & Arabes, quàm Hipp. Gal. & cæteri Græci permanserunt pacificè: priuata interim Gallia, priuata Germania, nec non iucunda Italia etiam orbata, præclaris Medicinæ luminibus, optima Medicina, vt potè exulibus Hippocrate, Galeno, cæterisque veteranis ducibus. Adeò autem diligenter exculta fuit apud Arabes; adeò tandem apud Iberos. adoleuit Medicina, & philosophia; vt vtramque dimidio propemodum auctam fuisse certissimò dicendum sit, quod nolint, velint alij, fateri oportet. Immo Parisiensis schola, quam *Arabes in aeternum proscripsisse*, dicit quidam, vtitur omninò Arabum inuentis, scilicet medicamentis ab arabibus inuentis, & ad nos comportatis, neque ipsi mentiri licet, etiamsi palam id fateri erubescat, nec mirum, quia Arabes illi Medici præstantissimi fuere, vel Hispani, vel ab Hispanis accepti. Verùm exactè consideranti innotescet Fernelium Gallum doctissimum in suis operibus, vt plurimum Auicennæ verba, transtulisse in elegantiorē loquendi modum, & sic suum doctissimum librum conflasse. Nos tamen nunc Medici omnes (si verum fateri veli-

Schola Parisiensis  
vtitur Medicinæ  
sue antidotario.

Arabum medicorum  
præstantia.



velimus ) discipuli , sequacesque sumus Arabum in ea Medicinæ parte, quæ medicamenta complectitur : habendæ igitur à nobis sunt gratiæ , agendæque etiam Mauritanis pro beneficijs, ac pharmacis benignis acceptis , nec non pro exhibito hospitio Hippocrati nostro, Aristoteli , atque Galeno in exilium à cæteris nationibus eiectis . Non igitur Tyranni , non scientiarum corruptores, nec Barbari nuncupandi, cum barbaries non sit, ubi scientiarum cupiditas, & possessio est. sed summis laudibus ornandi, quod si quandoque Arabes errauerunt, erant homines, sunt excusandi. Nā etiam Medicinæ parens Hippocrates ingenuè fassus est aliquoties, se errasse, deceptum se fuisse .

Deinde asseram Arabes Medicos non vitiasse medicinam, sed auxisse, & ornasse; etenim Galenum præceptorem agnoscunt, sequè istius sequaces prædicant, Galenicam methodum, atque doctrinam profitentur omnes, omniaque Græcorum recipiunt axiomata, atque præcepta mirantur, ac venerantur : si quæ autem sunt in Galeno, quæ illis minùs probabilia visa fuere, vel aliter in suis regionibus euenire conspexerint, viriliter corrigere, & in aptiorem sententiam reducere conantur : Neque ob hæc, si quando Auicennas à Galeno præceptore ad meliorem opinionem desciiuit, tot iniurijs afficiendus est, neque omnino deferendus. In Hippocrate nonnulla Galenus notat, Aristoteles Platonem præ-

Arabes  
auxerunt  
Medicinā.

Arabum  
doctrina



Auicennæ  
Eru ditio .

Galenus  
confusus .

ptorem arguit. Quot opiniones nouas Ferne-  
lius Gallus protulit? quot Cardanus contra  
Galenum sententias exarauit? quot Vesalius  
Galenæ errata confutauit? annè propter hæc  
Galenus, Aristoteles, & alij exilio perpetuo  
mulctadi erunt? inter horrendas spinas etiam  
nascuntur rosæ. si Auicennæ methodus in-  
tradenda medica arte consideretur æquo ani-  
mo, reperietur perfectò mirabilis, vt potè in-  
cludens omne morborum genus, omnia me-  
dicamenta, omnia tum circa Theoricam, tum  
etiam praxim scitu digna, atque omnes me-  
dicinæ partes, suo quasque loco commodè, ac  
dilucidè dispositas; & simul etiam breuiter  
descriptas, complectens. Quum tamen nun-  
quam satis laudatus Galenus sparsim, confu-  
sè, & verbosè nimis doctrinam suam tradide-  
rit, aptam potiùs (dicere ausim) confundere  
legentium mentem, quàm docere, etiam si op-  
tima, & admiranda sit. At quid, quæso, est in  
Galeno, quod in Auicenna desideretur? annè  
multa in hoc leguntur, de quibus ne verbum  
quidem fecit Galenus? nil certè boni in Ga-  
leni libris est repertum, quod Auic. in suum  
opus non transtulerit. Dicere non erubesco,  
me solo Auicennæ codice ceteris medicis scri-  
ptoribus sublatis, medicinam rectè, vtiliterq;  
facere, vt auderè, fore; cum tamen solo Hipp.  
opere, Galeni uè solis monumentis diffidam  
rutò, iucundè, atque celeriter mederi me posse.  
Valeant etiam auctoritate Italicæ Academiæ,  
quæ



quæ Auicennam publicè explicandum iubent,  
opera nempe viri in medica arte tradenda in-  
signis, & Hippocrate, Galenoque exceptis,  
nemini eruditione, diligentiaque cedentis, &  
tanti Auicennam fecerunt Italica Academia,  
quæ in Europa primatum tenent, ut à Theori-  
cis explicari voluerint tam Auicennæ primam  
fen. quàm Gal. artem paruum, & Hipp. apho-  
rismos: à practicis verò tum in febribus, tum  
in particularibus tradendis morbis solam Aui-  
cennæ methodum sequendâ iusserint. Auicen-  
næ, & Arabum etiam dignitatem confirmant.  
Eruditissimi viri, qui in ipsis dilucidandis se  
exercuerunt, quales Vgo Senēsis, Gentilis, Pe-  
trus Aponensis. Iac. de Partibus. Dinus. postea  
verò Costæus, Syluius, Trincauellius, Monta-  
nus, Capiuacceus, & alij propemodum in-  
finiti, qui autem leuitate quadam animi moti  
(quales sūt auctores nouæ Academiae florēt.)  
nullo veritatis amore ducti, sanoque iudicio  
haud præditi, Auicennam, ceterosque Arabes  
aggrediuntur atrocioribus verbis, hostesq; sibi  
fingunt, & minimè reprehendenda notant, te-  
meritatis suæ poenas citò luunt, exoleta enim  
istorum dicta, inæptaque iurgia ad falsa-  
mentarios delegantur, triumphante adhuc  
Auicenna, qui viuit, colitur, doctorumque  
manibus diu, nocturnè teritur.

Minimè autem verum esse, cuilibet patet,  
quod dictum fuit: Erasistrateam Hæmopho-  
biam iterum ab inferis in lucem ab Arabibus

reuo-

Auicennæ  
opera pu-  
blicæ le-  
guntur.



Arabes nō  
sunt Erasistrati  
Aratei.

Arabes sanguinem  
mitunt copiose.

reuocatam fuisse: nullibi enim legi Auicennam, vel Rasim, vel Haliabbatem, vel Auenzoarem, vel Isaacum, vel Auerroem, vel Serapionem, vel Mesuem, vel alium quemuis Arabem scriptorem medicum, qui, vti Erasistrateus phlebotomiam omnino prohiberet: sed è contra ea sapissime vtentes ex ipsorum scriptis cognoui. Imò Auicenna 4. 1. cap. de Phlebotomia. multa pulcherrima ibi docet à Galeno intacta, & sanguinem vsque ad syncopim emitti concedit virtute forti existente, in synochis febribus, in principio apoplexiæ, in synanche, & in magnis apostematibus, perniciosis, & fortibus doloribus, quod repetit capitibus proprijs, vt 1. 4. de feb. sang. 1. 3. de Apoplex. & 9. 3. de cura præfocationum, & alibi. Præterea prægnantibus & menstruatibus urgente necessitate, vt sputo sanguinis concedit sanguinis missionem: deinde arguit dicentes post quartam diem nō esse phlebotomandum, & subdit etiam per 40. dies id licere. ita Haliabas quoque 3. prac. c. 16. in feb. cont. sanguinem ad animi defectū vsque mitti iubet; quod idem tum prædicti Arabes, tum etiam ipsorum sequaces vno ore faciendum esse consulunt. Est nè hæc tanta sanguinis missio dicenda αἱμοφοβία, Erasistratea desipientia? iudicate vos iuuenes. Addam Auerroem scribentem 7. colliget. cap. 3. *Auenzoar suum filium trium annorum ætate à morte liberaße secta vena.* & cap. 4. contra Hipp. egit, quandoque



doque, dicens, prænantem ferre venæ sectionem sine incommodo, neque vllum puto futurum, qui hunc sanguifugum vocet, sed potius Galeno, Susioquè audaciorem in sanguine mittendo.

Obijciat fortasse aliquis Auer. 7. Colliget. c. 8. reprehendit Galenum sanguinem mitti iubentem vsque ad syncopim, quo patet timuisse sanguinis missionem. Auic. autem cap. de phlebotomia sæpe, & sæpius inculcat, & iterat *Cave, Cave*, quo patet fuisse timidum in sanguine mittendo, dum toties venæ sectionem cauet, & prohibet.

Obiectio.

Responderè aliud esse timere conueniētem, & moderatam sanguinis missionem, aliud verò timere intempestiuam, & excedentem: hoc est sapientis viri, expertiquè medici, illud verò timidi, inexperti, & fœminei habitus. è contra verò illam non timent Eruditi medici, posterioriorem verò non timent carnifices. Auerroem autem timuisse sanguinis missionem per se ipsam nunquam concedam, sed ipsam syncopem; est enim affectio praua, & mortis prænuncium, igitur cum Auerr. vt supra dixi, sanguinem copiosè emitti permittat, & ideo nullo pacto Hæmophobus nuncupari possit, rectè est intelligendus, & cum Galeno vniendus: differunt enim termino, & nomine tantum. dicemus autem Galenum loquentum esse de sanguinis missione facienda vsque ad syncopem, exclusiue tamèn, antequam syncopis succedat,

Solutio.

Auer. cum Galeno vnitur.



dat, sed tantum sit in propinquo. Auer. autem non vituperat talem sanguinis missionem, sed eam, quæ etiam ulterius processit, & syncope ipsam inclusit, timet ergo ipsam syncope Auer. nam timuit etiam ipsam Gal. ut infra ostendam num. i. documentorum. siquidem non expetitur syncope pro Curatione synochi, sed magna sanguinis euacuatio, cuius signum est imminens syncope, patet igitur Auerr. cum Galeno consentire, ita ut dicere possimus cum Theocrito Eidyllion. 17.

Iuppiter, et  
Iuno lectū  
venere in  
eundem.

Ενδὲ λείχος σόδρυσιν ἰαύειν Ζηνὶ καὶ Ἡρῇ

Et ex his iam patuit Arabes non fuisse αἱμοφοβούς, nec Erasistrateos, nec peccasse illo venæ sectionis *Abusu*, qui circa ἐκλειψιν committitur, quod si ubi periculum imminet Auic. dixit *caue*, non sine ratione id protulit: Nam semper cum Hipp. & Gal. loquitur, ut clarè ostendam, & ille nil temere agendum, inquit, ergò caute.

Romanorū  
Medicorū  
Doctrina.

Modò mirari subit Præclarissimorum Romanorum Medicorum in secunda vena prudentiam, qui Hippocratis præceptis instructi, Galeniq; τῆς μεθόδου non ignari, suis scopis, atque exactè consideratis indicationibus in morborum tractatione semper utuntur, ex quo fit, ut, nec casu, nec consuetudine quadam cæca ad phlebotomiam deueniant; sed optimè præmeditati. Hinc nec auari, nec prodigi; sed honesti, liberalesque in sanguine mittendo conspiciuntur; Hinc etiam fit ut mini-



minime, appellari possint ἀιμοφόβοι, sicut neque è contra φιλαίματοι sunt. tales ergo sunt scholæ Romanæ Alūni, & si qui fortè fuerint in Vrbe maxima aliter agentes, & à tali optima consuetudine deflecentes, non sunt Romanæ Scholæ Alumni. Immo tantum abest, quod Romana Schola sanguifuga dici possit, ut potius effari audeam, si Romam Galeno iterum accedere liceret; non modo nullos, quos reprehenderet reperturum Erasistrateos; sed fore, ut maximè miraretur Romanorum nunc in sanguine mittendo sapientem audaciam, & forrè in se ipso agnosceret quandam haud paruum timiditatis notam.

Romani audaciores Galeno.

Considerare vos vellem ab Hipp. scriptum fuisse. 4. de Vic. acut. t. 19. mittendum esse sanguinem *si vigeat agrotantis ætas*. & in com. à Gal. expressum esse. *Neque enim puer, neque senex sanguinis sustinent detractionem, etiam si morbus, quo ipsi laborauerint, magnus fuerit*. ita de subhg. Emp. c. 6. noluit puero pleuritico venam incidi, & 11. meth. cap. 14. nec Synocho affecto concessit. quem sequuntur Græci auctores, & ipse quoque Syliaticus contr. 88. nec non Sufius cap. 7. pag. 65. his verbis eandem sententiam exponens. *Nullum ex ipsis pueris detractione sanguinis curabimus, qui decimum quartum ætatis annum non attingat*. quod certè assumpsit à Gal. de cur. ratione per f. m. 13. Papæ, quid audio! Ecce Hipp. ecce Galenus, ecce Sufius, ἀιμοφόβοι facti, Erasistratei

Galen, non fecat Venā pueris.



stratei nuncupandi ! timentes ante quartum  
decimum annum sanguinem ægrotantibus  
mittere.

Romani  
mittunt  
sanguinem  
pueris.

At inspicite modo , & obseruate sapientis-  
simam Romanam scholam , & profectò agno-  
scetis Urbanos Medicos esse audaciores, libe-  
ralioresuè in mittendo pueris sanguine . Ve-  
rùm enim verò Ducem habemus C. Celsum  
Hippocratem Romanum apertè scribentem,  
non ætatem ipsam , sed vires esse consideran-  
das, & ita, firmum puerum tutò per sanguinis  
missionem posse curari. Et fortasse ab Hipp.  
id colligere licet. dum lib. de cap. vuln. nu. 26.  
docuit *pueris detracto sanguine perforandum  
esse cranium* . Caluus verò *sanguine misso* ver-  
tit. quod idem perpendit etiam Rosarius in  
contrad. Hipp. 48. & si quis responderet intel-  
ligendum esse detracto à vulnere congelato  
sanguine, nos obijceremus Hipp. 5. Epid. num.  
26. & 7. Epid. 34. *Callimedontis puero contulit  
ad tuberculum , quod habebat in collo durum ,  
& magnum , & crudum , & dolorosum , sectio  
venæ brachij*, cuius auctoritate fretus nepoti  
meæ puellæ 12. annorum simili tuberculo affe-  
ctæ sanguinem eduxi ad uncias xv. vnica vice,  
& die sequenti apertum fuit ex se. Iurè igitur  
Romæ pueris vena secatur; quod, vt exteri cre-  
dant, testes adducam . Io Zecchius Bononien-  
sis professor quondam Romanus , nec non  
etiam aliàs Bononiensis , atque Sixti V. olim  
medicus cons. 46. sic testatus est . *Romæ felici*

Historia.

cum



cum successu pueris trium vel quatuor annorum urgente necessitate sanguis è vena detrahitur. Doctissimus etiam Prosper Martianus in Antiparalogismo pag. 37. *Constat* (inquit) hanc praxim sanguinem pueris, ac senibus mittendi satis vulgarem esse, ita ut nullus sit febre laborans siue senex, siue puer, cui vena non secetur, potissimum verò, ubi morbillorum, ac variolarum timetur eruptio; Io. etiam Manelphus noster, de feb. pag. 257. & pueris, & omnibus ætatibus sanguinem esse mittendum asseuerat. addam ego me sexcenties pueris bimis, trimisue sanguinè è vena extrahi iussisse ad uncias quidem ternas, vel quaternas, & maximam illis hoc remedio opem tulisse, nec vllum hic reperire est, quod sciam, Medicum, qui puerulis sanguinis missione interdicare audeat. Et in tanta laude res hæc est, ut Mulierculæ longo iam in Vrbe huius remedij vsu edoctæ sæpe. sæpius Physicorum sine assensu sanguinem infantibus suis febre laborantibus mittendum curent. si autem hoc ipsum alijs testibus confirmare opus esse crederem, niterer profectò Romanos Medicos enumerare puerulis duorum, vel trium annorum ætate sanguinem è vena mittentes, & fortè nullum inscriptum omitterem, inciperemque à Medicorum coripheo, nempe ab Illustriss. & Reuer. D. Iulio Mancino S.D.N. Cubiculario medico, enumeraremq; singulos Eruditissimos in almo Gymnasio Professores collegas, nec omitterem

Medicorum  
Romanorum  
testimonia

D. Iul. Mā.  
cinus.



terem præclarissimos summi Medicorū Collegij Romani Archiatros, inde descenderem ad testimonia praxim facientium Medicorum in Xenodochijs omnibus Vrbanis. præsertim verò eorum vterer Medicorum testimonio, qui curam habent proiectorum puerorum S. Spiritus, Orphanorum, & Litteratorum nuncupatorum, nec silētio obuoluerem Illust. & Reu. Card. Barberini Excell. Medicum D. Tadæum Collicolam, nec Familiæ Pontificiæ Medicos D. Dominicum Riuarolam, & D. Sebastianum Vanninum, nec obliuioni traderem eruditissimos amicos meos D. Benedictum Auerrinum, D. Angelum Coliū, D. Frāciscum Schaccum, D. Io. Iacobum Vbalinum, D. Gabrielem Fonsecam, D. Tiberium à Fonte, & alios infinitos, in primis autem Eruditissimi Doctissimique viri D. Pauli Zacchiæ ob præclara edita monumenta insignis vterer solido testimonio, nec non aliorum clarissimorum, amicorumque Medicorum, quorum hic nomina adscribere superfluum duco. Si igitur (vt concludam) tot testes sunt, Romanos medicos in secunda vena, nec pueris quidem bimulis, trimulisuè parcere, nec senibus, nec vtero gerentibus, quibus pepercit Galenus, pepercit Salsius, quid de cæteris coniectandum? Hinc cuilibet manifestum esse, reor, timidos Erasistrateos iam diu Romæ exules proclamatos esse, & pro ipsis Hippocraticam, Galenicamue doctrinam susceptam ab antiquo fuisse, ac viriliter

T. Collico-  
la.

D. Riuarola.

S. Vanninus.

B. Auerrinus.

A. Colius.

F. Schaccus

I. I. Vbalinus.

G. Fonseca.

T. à Fonte.

P. Zacchias



riliter nemini cedendo adhuc retineri. Sciant igitur exteri, notumque sit Orbi toti, cuius caput Roma est, Urbanos medicos plusquam vatiniano odio odisse ob nocumenta à nobis ex parte dicenda vitiosam sanguinis missionē; cum autem æquē vitiosus sit excessus, ac defectus ideò à nobis profligantur, tam molles, fœmineique αἰμοφοῖοι, quam carnifices, sanguisugæ φιλαιματοί; omne enim nimium naturæ est inimicum; proinde aurea mediocritas iurè dicta est.

Edictum  
Romanorum.

Atqui susurrat auris, vocemque sciscitantis percipere imaginor, cur pueris sanguinem mittamus, quū tamen in eodem Cœlo Galeno mittendū esse haud visum fuerit ante quartum decimum ætatis annum, nec leuibus quidem rationibus adducto, quas attulit. 4. de Victu Acut. com. 19. *At certè pueri scribens quamquam vitali facultate valeant, tamen nequē hi sanguinis sustinent missionem: prompte enim eorum substantia, tum propter humiditatem, tum propter temperamenti caliditatem euaporatur. Detractione igitur sanguinis non egent, qui connatam habent à temperamento vacationem: & 11. method. cap. 4. Quod enim, ait, ex incidenda vena moliendum nobis fuerat, id ultrò nobis ex curati corporis natura præstatur. Ex quibus Galeni verbis Siluaticus cont. 88. argumentationis formam hunc in modum constitui posse censuit. In quibus corporibus illud natura*  
B facit,

Ex Gal.  
Pueris nō  
esse mittē  
dum sang.

Argumentū  
Siluat. i. c.



facit, quod nos sanguine misso facere intendimus, in ijs sanguinem misisse saperuacaneum est sed in pueris decimum, & quartum annum non attingentibus, id ipsum facit natura resolutione media, quod nos per sanguinis missionem facere intendimus: pueris igitur 14. annum non attingentibus sanguinem mittere superuacaneum est. quod Argumentum à nemine in hanc vsque diem infringi potuisse Syluaticus prædicat.

Responsio.

Mihi autem respondere, quæso, liceat Phlebotomiam Pueris quoque esse optimum auxilium, prout experimentum non fallax, sed certum, & per centena puerorum millia iteratum hic Romæ comprobauit; nec tamen velim, Empiricorum more nos duci, censeat aliquis; ideò rationes non leues in medium adducam, quibus Romani Asclepiadei ad venæ sectionem primo in pueris peragendam induci fuere, & in ea adhuc persistunt sententia obseruantes optimæ rationi salutarem suffragari experientiam, & conabor Syluatici argumentum diluere, Galenumque explicare, & nobis conciliare.

Primo autem ea occurrit ratio; quia tunc debemus sanguinem mittere, cum adest ipsius mittendi necessitas, nec quicquam prohibet; sed in pueris sapissimè adest indicans venæ sectionem, sanguinisque liberalem euacuationem; mittendus est igitur pueris sanguis. nec dubium est omnes ferè morbos in omnibus



bus fieri ætatibus, verum magis, & minus; unde acutis, & magnis morbis frequenter pueri quoque capiuntur, adestque in his sanguinea plethora, scribente Galeno 3. prog. 28. *Pueruli plurimum sanguinis habent humorem, eumque tantummodo haberent quantum in ipsum agitur ætatis temperamentum: at, quia cibi copiam ingerunt, atque eam inordinatam, succorum aliquid, quæ crudi nomine dicuntur, subnutriunt. Porro, quoties ad ætatem deueniunt adolescentium, quidam iam rectè viuunt, meliorem vitæ nacti tenorem, & ita sanguis in illis exuperat duntaxat. & ob sanguinis abundantiam frequentissimè apud nos pueri Synochis, tum putridis; tum non putridis, & hinc etiam variolis, & morbillis affliguntur, alijsque sanguinis vitio morbis; peccatum autem sanguinis ipsius missione emendatur, synochorum verò vnicum ex Galeno remedium, est venæ sectio, nec aliud in nostra arte plethoræ æquè vacuæ auxilium repertum est. adest ergo in pueris iterum, & sæpius præsentia sanguineam euacuationem indicantis.*

Pueris abundat sanguis

Pueris peccat sanguis

Secundo. Dicendum viderur Medicum rectè operantem naturam imitari debere. Cum ergo hæc in pueris ante quartum decimum ætatis annum Crises per Hæmorrhagiã rebrò moliatur, cur non licebit Medico (qui ex Hipp. 2. in primum Epid. ὁ ἰατρὸς ὑπὲρ τῆς ἡμorrhagίας τῆς φύσεως mini- er. 4. meth. 6. & 9. de Plac. Hipp. & Pl. & alibi)

B 2 san-



sanguinis euacuationem secta vena in pueris  
 prosequi? An ne ex Hipp. 3.aph.27. *senioribus  
 pueris, & ad pubertatē accedentibus ex naribus  
 sanguinis effluxiones fiunt?* in cuius comento  
*Incipiunt* ( inquit Galenus ) *pueri pubescere  
 post annum quartum decimum . Qui verò pro-  
 pē hanc etatem accedunt, sunt, qui duodeci-  
 mum, aut tertium decimum, aut quartum de-  
 cimum etiam agunt annum .* deinde subdit.  
*Sanguinis verò profluvia ex naribus fiunt in  
 tali etate constitutis, quoniam hic humor in ea  
 incipit abundare, non quia nunc plus de eo ge-  
 neretur, quam prius, sed quia nunc minùs ab-  
 sumitur .* & quāvis Hipp. dicat in talibus Hæ-  
 morrhagias fieri, nō ideo exclusit minores, ma-  
 ioresuē, sed frequentiores tantum morbos do-  
 cuit. & secundo prædict. num. 47. fieri mor-  
 bum quādam asserit, quibus in pueritia, &  
*iuuentute sanguis ex naribus fluere solitus  
 desijt .* Quod si natura expellit ipsa sanguinem  
 peccantem quantitate, vel qualitate, & inno-  
 cuē quidem ante 12. annum, cur eam imitari  
 nobis non dabitur? et, si in hoc eam imitari  
 non debemus, neque etiam in alijs. Refert au-  
 tem Amatus cent. prima curat. 37. febrici-  
 tanti puellæ decem annorum etate sanguinis  
 vncias quinque extrahendas se iussisse: sed post  
 horam in sanguinis fluorem ex naribus illam  
 deuenisse: ita copiosum, vt assistentes integram  
 sanguinis libram fluxam esse, affirmarent, ita  
 verò ipsi sanguinis eum fluxum contulisse.

puella sana  
 ta Hæmor-  
 rhagia.

vt



ut illicò à morbo libera euaserit, nec sanguinis missione, aut alio remediorum genere indiguerit, & in Scholio addit. Hinc argumentum desumiposse, quod sanguinis missio per venæ sectionem, in ætate puerili ante quartum decimum annum maximè conueniat, quùm in hac ætate sanguis sua spòte fluit nullo interueniente nocumento, aut caloris natiui resolutione, neque solum circà decimum ætatis annum venam esse incidendam prædicta ostendunt, sed etiam citiùs, quod ostendere etiam licet. Nã Fernel lib. 6. Patho. c. 16. se vidisse dixit puellam octauo ætatis anno fluxu muliebri obsessam, & D. Gasp. V Volph. ex Gesneri schedis apud Skenchium. *Puella cuidam octauo anno menses rubri superuenerunt, cum cessasset sanguis è naribus fluere, quod ei antea sæpiùs contigerat.* quod si natura quandoque expellit sanguinem per vterum, vel nares octauo anno, immo quinto, vt mox dicam, cur medico denegabitur imitatio? Refert apud Skenchium Hercules Saxonia. *Puellam noui Venetijs annum quintum agentem, singulis mensibus modicè tamen expurgatam, & ex Suterò. quædam statim atque quintum ætatis annum exegit, menstruo fluxu laborare capit, quo iam inde ab eo tempore semper statis diebus laborauit. Agit autem nunc ætatis undecimum annum.* nec paucas puellas 9. annorum ætate vtero gestasse refert idem auctor. Præterea nos quoque hic Romæ frequentissimas, op-

Menstrua  
2. anno.

Menstrua  
5 anno.



In pueris  
Crises per  
Hæmorrhagi-  
am.

timasque, per narium hæmorrhagiã in pueris 7.5.& trium etiam annorum ætate obseruauimus Crises. Quum igitur spontina sanguinis è naribus profusio in pueris conferat, & leuiter ferant, signum est talem fuisse factam, qualem fieri oportebat: sic ab arte facta per venæ incisionem excretio, quum experientia quotidiana conferre, & leuiter à pueris ferri, obseruetur, talis esse facta, qualis fieri debebat omninò est dicenda. Ex quibus conclusum volo, nobis licere naturæ imitatione in paruis pueris sanguinis, per venæ sectionem detractioe vti; dummodo experti adsint Chirurgi, quales Romæ non desiderantur.

Pueri pur-  
gantur.

Tertio. sic argumentari scholasticè placet. Illa corpora, quæ maius ferunt remedium, sufferent etiam minus: sed pueri ferunt per medicamenta purgari, quod est maius, violentius, & periculosius auxilium. Ergo ferent etiam venæ sectionem, vti remedium minus, mitius, & tutius: quæ omnia rationibus, atque auctoritatibus comprobare, mihi haudquaquam arduum videtur; siquidem Galenus ipse 2. de vic. in Acut. com. 11. pro medicamento aluum purgante ab Hipp. ibi proposito substituere mauult Venæ sectionem scribens.

Phleb. tu-  
rior purga-  
tione.

*Vbi non solum acutus morbus fuerit cuiusmodi est Pleuritis, verum & cum febre vehementissima multo magis vitanda est purgantis medicamenti administratio, atque per sectionem venæ vacuandum magis etiam si ad Hypochondrium*



drium dolor pertingat. Nempe etsi minus quidem auxilium, quam per purgationem, sequatur, securius tamen multo existit. Immo nullum ex eo, quod per venæ sectionem fit, periculum impendet, eo discrimen maximum subeunte, quod per purgationem tentatur. Et potissimum si laborantis naturam expertus quis non fuerit, nempe alij difficulter natura purgantur, alij modico assumpto medicamento purgantur copiose. Quod autem pueris concedantur medicamenta purgantia ex Galeno in documento de puero Epilep. commostrabo, vbi cap. 3. *Accedente Vere inquit puerum purgandum affirmo mediocri purgatione.* & quia medicamenti qualitatem reticuit, suspicari possumus elleborum intellexisse, subdit enim c. 6. *Scille medicamento agritudinem perfecte cessaturam, quoniam iam innumeros pueros nulla Ellebori opera sic curavi.* Verum Plin. li. 25. c. 5. etiam si dicat elleborum mederi morbis comitialibus, tamen *vetant inquit dari pueris*, sed quicquid sit de elleboro, constat ex Gal. puerum esse purgandum. At de Hipp. quid dicendum, qui 5. in 6. Epid. com. 35. scriptum reliquit. *Mulier, Capra, Elaterium, aut cucumerem siluaticum edentes pueris purgatio.* purgat igitur infantulos lactantes Elaterio Hippocrates! & Gal. in com. addit. *Non Elaterio dumtaxat, quod Cucumeris siluatici succus est, quemadmodum neque ipso Cucumere solum vefcentes, lac puerorum lactentium purgatorium gi-*

Pueri pur-  
gantur El-  
leborg.

Elateria,



gnunt, verum etiam si quod aliud medicamentum subduclorium, quod vocant, assumpserit. Siue autem à muliere Elaterio, à Capra ipso Cucumere, siue utroque ab utraque comeso, infantes earum lacte purgari dicat, nihil interest: quemadmodum neque si comeso, aut deuorato, quis scripserit. Conducit autem hæc oratio, & ad medicorum usum, & ad naturale decretum. Infantulos enim purgare volentes, aut matri infantulum lactanti, aut Capræ, huiusmodi aliquid esui dantes, sic eos purgabimus. Ex quibus omnibus clarè patet pueros medicamentis purgari ab Hipp. & Galeno, patet etiã purgationem esse remedium vehementius, & periculosius, quam sit Venæ sectio, ut etiam retulit de curandi ratione per sanguinis miss. 11. Vndè facilè inferri potest pueris hanc magis conuenire, quàm purgationem.

So luitur  
Galeni ra-  
tio.

Quarta ratio, quæ confirmat prædictum sanguinis mittendi usum, erit, quia nihil est in contrarium, quod hoc remedium in pueris omnino prohibeat. Etenim pertimescenda minimè sunt ea, quæ proposuit Galenus in mediocri euacuatione, sed tantummodo in excedenti, in ea, quæ fit ad Syncopem, & Galeni ratio adducta est logica, & imaginaria, non autè physica, & experimentis suffulta, vos autem iam scitis, Eruditi discipuli, quod dixerit Arist. deferere experimentum, & quærere rationem insipientis esse, & tamen adducta ratio alijs rationibus conuellitur.

Dicam



Dicam igitur primo si verum esset pueros à proprio temperamento sufficientem habere superfluitatum euacuationem ( nā connatam etiam habent viri , quū continuò ab his etiam plurimum vaporis resoluatur, & fortas- se in calidissimo temperamento magis , quā in pueris fit resolutio ) sequeretur eos vel nunquam febricitare , vel Ephemera tantum affici ; febris enim ab imminuta, & insufficienti fuliginum resolutione pender. Attamen vehementissimis, longis, atque contumacibus nō rarò vexari febribus, obstructionesq; prauas ipsos pati, sæpissimè obseruamus; certissimum apud me indicium eorum corpora non semper esse conueniēter difflata, nec sufficientem habere excrementorum vacuationem à primo temperamento , quare tunc detractio- ne sanguinis opus habent, quādo vacuatio naturalis sufficiens non est : insufficientem autem esse apparet, quum puer febricitat .

Calida tē-  
peramen-  
ta .

Secundo dicam, si euacuatio pueris insita, & connata non potuit impedire mali generatio- nem, quī poterit iam factum morbum per se- solam dissoluere ? adeo enim debiliter, & tar- dè natura in pueris crisim molitur, & morbos depellit , vt ad menses & annos prorogetur Crisis quandoque, vt patet 3. aph. 28.

Crisis tar-  
da in pue-  
ris .

Tertio. si euacuatio à natura instituta su- perfluum humorum esset semper sufficiens in corpore , & quoties ea copiosè fit , & iuxta consuetum modum, nunquam esset san- guis



Mulieres  
phlebotomantur.

guis mittendus, sequeretur in Mulieribus mēstrua sua statuto tempore, & iuxta consuetam quantitatem excernentibus; si magno morbo ægrotauerint, non esse phlebotomandum; nam connatam hæc quoque habent naturalem, superfluitatum euacuationem, & quod magis est in his euacuatur, non Vapor tenuis, & aquosus, sed sanguis ipse; & tamen Medici omnes sanguinem mittunt.

De inedia.

Quarto. Si Galenus irridet Erasistrateos (de Ven. sec. ad Erasistrateos c. 4.) plethoram non venæ sectione; sed inedia tollere satagentes, quid dicemus nos de ipso Galeno sentiente plenitudinem sanguinis vehementer lædentem pueros tolli facile, cito, & tutò posse, sola naturali perspiratione, quæ multò minus consumit substantiam, propriamque corporis humiditatem, quàm faciat inedia.

De remedio veloci

Quinto. Si Veloci remedio velox morbus tolli debet, in acutis puerorū morbis necessaria erit omnino sanguinis missio. inepta autē sola vaporum transpiratio, quæ longo tempore vacuat, quod si expectare voluerimus, donec per cutem corpus euacuetur, morbi velocitati impar erit remedium, interim verò puer peribit negligentia medici. sæpe autem cutis obstruitur, & impeditur transpiratio.

Sexto. Si propter temperamenti caliditatem euaporantur sufficienter in pueris excrementa, in Viris calidissimo temperamento præditis fiet immodica humorum euacuatione,



tio, & certè videmus viros per cutis poros  
evidentes emittere fumos, præsertim hyber-  
no tempore: æstiuo autè sudores, cutis sordes:  
gignere etiam ex superfluitatibus copiosos pi-  
los, quod nō accidit pueris. ergo si paucior va-  
porum difflatio in pueris denegaret phleboto-  
miam, copiosior euacuatio in Viris eam ma-  
gis prohiberet; eam tamen Gal. istis laudat.

Caliditas  
temperamen-  
ti.

At dicet aliquis. Galenum in pueris vires  
facultatis Vitalis præsentis satis esse validas,  
& ferre posse Venæ sectionem concessisse, sed  
considerandas etiam esse futuras vires, quæ  
necessariò conciderent ob duplicem vacuatio-  
nem scilicet tum naturalem, tum per Venam  
sectam.

Obiectio.

Resp. plus substantiæ resolui in Iuuenibus, &  
Ephebis, quàm in parvis pueris, quod multis  
rationibus probare queo. Ex quo patebit non  
adeò esse formidandam in pueris naturalem  
resolutionem, cum pauca re vera sit. constat  
autem eiusdem esse temperamenti pueros, mu-  
lieres, Eunuchos, glabros, & alios imberbes;  
idest frigidiores quam sint Viri, sic Gal. ipse 2.  
in 1. Epid. 78. scribit in naturis temperamento  
frigidis, quales sunt mulierum, ægrè digeri per  
habitum corporis, & minùs multò, quàm in  
adultis iuuenibus, qui calidissimo sunt tem-  
peramento: at puerorum corpora effœminata  
sunt: ergo etiam inijs ægrè fiet humiditatis re-  
solutio; quod etiam patet, quia ex Gal. 3. de  
cau. sympt. 3. Pueris adest Expultrix, nec non  
reten-

Solutio.

Pueri effœ-  
minati.



Rationes  
multæ con-  
tra Gal.

retentrix imbecillior, quàm iuuenibus: quare si magis viget facultas expultrix in iuuenibus, maior fiet in his expulsio superfluitatum, quàm in pueris; nec dicere valet ex retentrice valde debili fieri resolutionem maximam in pueris: quia huic multa opponuntur. etenim etiam si in pueris retentrix facultas, quæ pendet à neruorum robore sit debilis, tamen haud facile concesserim retentricem, quæ pendet à facultate naturali Hepatis esse debilem: quum videam in pueris humiditates magis retinere, quàm in Viris, cum enim sint corpora mollia, & humida, si non esset valida retentio humiditatum, citò exiccarentur humiditatibus resolutis. sicut è contra iuuenum temperamenta sunt sicciora, quia non retinent humiditates, senes verò postea humectantur, quum retinentur humida excrementa. Præterea ad multam resolutionem, requiritur validus agens. ergo validus calor, non temperatus, sed ex Gal. lib. de temper. puerorum corpora sunt temperata, iuuenum verò multo calidiora, igitur in pueris ratione agentis fiet moderata resolutio, in iuuenibus verò multo maior. Demum ad resolutionem plurimæ humiditatis corporum, faciendam requiruntur viæ aptæ ad transitum excernendorum vaporum, sed in pueris angustæ sunt viæ, densæ carnes, nulli cutis pori. ergo in his difficillima superfluitatum euaporatio.

Con-



Confirmatur hæc etiam sententia, si dixerimus maiorem fieri resolutionem in Iuuenibus quam in pueris, quia pueri habent exiguos meatus, ut Eunuchi, & foeminæ, ut ait autē Galeni testimonio 2. de temp. c. 5. ubi ait. *Pueri admodum parui nudi sunt pilis, quod utiq; nec meatus adhuc ullus illis in cute est, nec fuliginosum excrementum: incipientes autem pubescere paruos, & imbecilles habent: at qui iam florent, valentiores multò, & magnos, & nigros habent, quod & frequentes iā meatus ijs sint facti, & fuliginosis excrementis præ siccitate, & calore abundant.* Ecce Galenus fatetur pueros in cute nullos habere meatus, iuvenes verò fortitos esse frequentes. Quæro modo à Gal. ex quo corpore maior fiet effluxus, ab eo nè, in quo sunt magni, & frequētes meatus cutis, an verò ab eo, in quo sunt vel pauci, vel nulli? Equidem haud scio quo pacto sibi concordet Gal. qui de opt. sec. ad Trasib. cap. 26. scripsit. *Densitas, & raritas sunt nonnullis ingēta, alijs præter eorum naturam: nam senum densitas ipsis quidem ingēta est; sed pueris extranea; contra pueris raritas naturalis est, senibus autem violenta.* Sed quid quæso est raritas, & densitas cutis: nisi meatuum, absentia, & præsentia? in pueris non adsunt meatus: ergo cutis densa. videtur autem potius dicendum esse, quod pueris sit naturalis, & ingēta densitas. sunt enim veluti spongia aqua repleta, quæ ob plenitudinem humiditatis

Pueri sine  
poris.



tatis nullam habet porositatem, & ex Gal. ipso  
 nō habent poros in cute. senibus autem, (quo-  
 rum corpora sunt veluti spongia aqua exhau-  
 sta, totaque porosa) si contigerit meatus  
 densari, & conuiere, non erit illis naturale,  
 sed accidens præter naturā, nimirum post ra-  
 ritatem præcedentem. scio quidem aliud esse  
 habere cutem densam, aliud verò carnem.  
 nam Hipp. 1. de M. Mul. nu. 2. dicit. *Mulierem  
 rariore carne præditam, & teneriorem esse,  
 quàm virum.* Virum verò solidiore carne  
 præditum esse, quàm mulier. At cutis rarior  
 est viris, densior autem foeminis, & eiusdem  
 cum foeminis naturæ, scilicet pueris, & Eunu-  
 chis, quod ex Hipp. de Nat. pueri 17. clarissi-  
 mum est, cuius verba non pigebit transcribe-  
 re, vt constet in pueris cutem esse densam, in  
 adultis rariorem. *Cæterum (inquit) pilorum  
 natura hoc modo se habet. Oriuntur equidem  
 maximi, ac plurimi, qua corporis parte cuticu-  
 la rarissima est, & ubi pilus moderatum humo-  
 rem in alimentum habet, & ubi cuticula  
 posterius rara fit, ibi etiam pili posterius na-  
 scuntur, velut in mento, & pube, & sicubi aliàs  
 pili nascuntur: simul enim vt genitura prodit;  
 etiam caro rarescit, & cuticula, & venæ ape-  
 riuntur magis, quam priori tempore. Nam dum  
 adhuc puer est, & venæ tenues existunt: non  
 procedit per ipsos genitura, (eadem ratio de  
 mensibus virginum est) Simul autem vt via  
 fit, & genitura, & mensstruis virginibus; etiam  
 pilos*

Pueris de-  
 sa cutis.



*pilos emittit pubes, tum pueri, tum virginis, rara nimirum cuticula reddita, simulque pilus moderatam humiditatem in alimentum habet, & non pauciozem. Sic verò & in mento viri contingit: rara enim fit cuticula, procedente in ipsam de capite humiditate: simul enim & in coitu, simulque interiecto tempore, pilus moderatam humiditatem in alimentum habet, & tunc maxime, quum tempus contingit humiditati de capite descendenti in coitu, ad mentum à pectore distans.*

Quando pili nascuntur,

*Signum autem eius, quod in rarissimis cuticula partibus pili enascuntur. si quis velit inurere cutem, & pustulam tantum facere, eamque sanare, cutis densa reddita per cicatricem pilos non producet. Quicunque verò Eunuchi, dñ pueri sunt, fiunt, propterea neque in pube, neque in mēto pilos producant, leuesque toti existūt, quòd via genitura non facta, cuticulam non rarefacit per totam superficiem: intercepta est enim ac conclusa genitura via, quemadmodum paulo ante à me relatum est. At verò mulieres leues fiunt, & mento, & corpore, quod in coitu ipsarum humiditas non similiter agitata velut viri cuticulam raram non facit. Ex his autem Hipp. verbis clarissimum est cuticulam puerorum esse densam, pubescentium magis raram: quare per densam cutem minus humidi diffluet, quàm per raram cutem. ergo maior fit resolutio in adolescētibus, quàm in pueris. non ne inter homines, qui pilosiores sunt iudican-*



dicantur calidioris temperamenti ex Gal. in arte medicinali ? quare etiam dicemus iuuenes ob pilos enatos esse pueris calidiores.

Nulla vis  
14. anni.

Confirmatur etiam id ipsum, quia quartus decimus annus per se quidem nullam vim habet indicandi, vel prohibendi venæ sectionem, sed pubescentia ea est, quæ attenditur, cuius aduentus adesse solet circa 14. annum, & ea ipsa pendet à seminalibus vasis apertis, vt dixit Hippoc. verbis mox allatis : vnde in Eunuchis, quia nullum semen, nulla est pubes; nihil etiam 14. annus indicabit; sunt ergo calidiora illa Animalia, quæ semine abundant, quàm, quæ eo carent, & pubescentia indicabit caloris augmentum, & dominium super humidum, ob id puberes (ratione, inquam, seminis) calidiores impuberibus erunt, & per consequens, si calidiores, plus vaporis emittent, & plus substantiæ deperdent, quàm pueri, non ergo adeo pertimescenda est naturalis resolutio in pueris, vt ob eam timeamus Venam secare.

Obiectio.

Si quis verò dixerit molliora corpora, fragilia, & effœminata (qualia proculdubio sunt puerorum corpora) insensibili perspiratione dissolui. Hoc ei ego negabo, quia Gal. lib. de opt. sect. ad Trasil. c. 29. noluit id methodicis concedere. Et, vt concludam, aio, satis esse pro

Negatio.

secanda vena in pueris vires validas præsentis; debet enim adesse præsentia indicatis, & quod non est vim non habet prohibendi; sed verum est



est, quod attendere debemus, ne vires in præ-  
senti validæ nimis prosternantur, quare mi-  
nus detrahemus sanguinis, nil veriti illam,  
naturalem resolutionem à Galeno proposi-  
tam, quàm pueri alimenta ingesta non resol-  
vant per halitus; sed agglutinent, & conuer-  
tant in augmentum suorum corporum, alio-  
qui temperato calore præditi sunt, & pituita  
abundant, unde catarrhosi, humidi, & somno-  
lenti sunt, præ omnibus ætatibus.

Septimo. Si propter temperamentum cal. &  
hum. puerorum substantia adeò evaporatur,  
ut phlebotomia in his adhiberi nequeat, ne-  
que Eunuchi, neque mulieres propter idem  
temperamentum, & eandem evaporationem  
ferent Venæ sectionem, patet autem puero-  
rum, Eunuchorum, & mulierum similem esse  
naturam, quia Hipp. 6. aph. 28. 29. & 30. ait:  
neque Eunuchos, neque mulieres, si non men-  
ses ipsis defecerint, neque Pueros ante vene-  
ris usum podagra laborare. & Gal. 3. de offi.  
med. tex. 23. quæ Hipp. de pueris verba facit  
transferenda esse dixit ad Eunuchos, & foemi-  
nas, & etiã 1. de comp. med. 2. loc. c. 1. de phar-  
maco Heræ. *habent (inquit) consimilem pueris  
cuticulam, Eunuchi, & mulieres.* cum ergo  
simile sit temperamentum, & similes morbi  
puerorum, mulierum, & Eunuchorum. si à  
temperamento fieret multa resolutio, & tan-  
ta quanta prohibet venæ sectionem, nō in pue-  
ris tantum, sed etiam in foeminis, & Eunu-  
chis

temperam.  
cal. & hum.



chis esset prohibenda venæ sectio, at fœminæ sustinent magnam sanguinis vacuationem.

Explicat.  
Gal.

Octauo. Quādo Gal. dixit 4. de V. Acut. cito. *Detractione sanguinis non egent, qui connatam habent à temperamento euacuationem.* explicari debet hoc modo, detractione sanguinis copiosa, & vsque ad syncopim non egere, qui connatā habent sufficiētem à temperamento euacuationem, quo pacto cum Galeno sentimus nos etiam; ita enim non negatur pauca detractio, quum insufficiens est vacuatio connata: ipse enim de cur. rat. cap. 14. *cum febrilis calor multū sanguinis digerit atq; abstinenter laborans victitat, necessario breui illum nutrimentū ex sanguine destituit interim virtus exoluitur.* præterea ait multū sanguinis absumi à laborantis temperie cal. & hum. ab habitu corporis albo, & molli; ætate puerili, anni tempore æstiuo, sub cane, & in regionibus calidis ob quas connatas euacuationes dicit. *minus detrabi quā plenitudo commonet.* non prohiberi omnino. ita ergo, & 4. Acutor. est intelligendus.

Nono ad tex. ex 11. meth. negamus ex curati corporis natura id vltro præstari, quod ex incidenda vena optabamus; quid enim euacuat ea natura per insensibilem trāspirationem, nisi tenuissimos vapores? at venæ sectio euacuat sanguinem ipsum actuladērem, & multipliciter peccantem: peccatū enim in copia, velox remedium requirit, & ideo dixit Hipp. 1. aph. 3  
in



in athletis bonum habitum apparentem, non tarde, sed statim esse tollendum: peccatum in qualitate neque resolutione, neque inedia tunc tollitur, nam nimis calefactus sanguis, feruens, & ebulliens in venis minui secta vena debet, ab inedia calefcit magis, putrefactus verò sanguis quo tempore, & quo modo corrigetur, & expelletur à connata resolutione? denique motus sanguinis reuulsionem requirens nunquam auertetur à connata illa vacuatione. ergo ex curati corporis natura nullo modo id præstatur, quod venæ sectio breui efficeret.

Decimo. ad Siluaticum respondens negativo Argumenti minorem propositionem, quia natura per resolutionem in pueris non potest id quod phlebotomia expleret perficere nempe neque citam motus sanguinis reuulsionem, neque deriuationem, neque euacuationem copiosi vel putridi, ac corrupti, neque refrigerationem calefacti, & ebullientis.

respondetur  
Siluatico.

Vndecimo. Quando Hipp. dixit sanguinem esse detrahendum *si vigeat ætas &c.* intellexit *ad animi deliquium*. loquebatur enim de magno morbo, qui magnum remedium postulat, Venæ autem sectio indicata à magno morbo, debet etiam ipsa esse magna æqualiter, id est, copiosa, qualis est vsque ad Syncope, & quamuis magnus morbus per se ipsam requirat, tamen considerandum est, an corpus curandum eam ferre valeat, & huius signum

Hipp. explicatur.



desumemus Hipp. docente à Virium robore, & ætate valida, vt adhiberi possit valida vacuatio, de pauca autem euacuatione non loquitur hic Hipp. igitur ætas quantitatem limitat, non autem indicat, nec prohibet remedium, vnde Hipp. 1. aph. 2. in vasorum inanitionibus inspiciendam esse ætatem voluit, vt contraindicantem, & aph. 3. *qualis natura est eius qui perferre debet, ad hoc ducere conuenit.* & sub naturam inclusit ætatem.

Gal. dilu-  
cidatur.

Duodecimo. Galenus quoque eodem pacto veniet explicandus, si dixerimus negasse ante 14. annum, eam tantum venæ sectionem quæ fieri solet vsque ad syncopem, etiam si morbus fuerit magnus, qualis pleuritis, synochus, Angina &c. timuit, enim tantam copiam non autem saluberrimum remedium miris laudibus ab ipsomet exaltatum, itaque ætas non absolutè, & prorsus sanguinis missionē prohibet, sed quantitatem determinat, siquidem Gal. de curat. rat. per sang. m. 14. *minus* (inquit) *destrabimus quam plenitudo commonet, quod ad ætates quidem attinet, in pueris, & rationem addit, quia eorum nutrimentum* *absumitur ob temperiem calidam, & humidam,* & eandem rationem affert pro diminuta phlebotomia in habitibus candidis, ac mollis, *teneraque carnis quales Galli sunt* vbi notare licet, contra Galeni mentem eos Gallos, qui suis ægrotis copiosius, & frequētius sanguinē mittunt, hoc remedium exercere: præterea

sub



*sub cane, & in regionibus, & constitutionibus calidis quare dicam manifestum esse non solum vaporationem sufficere ad prohibendam venæ sectionem, sed tantum limitare.*

Ita etiam eodem lib. cap. 13. cum dixisset, quibus ample sunt venæ, quique modicè graces sunt, nec candidi, neque tenera carne præditi copiosius euacuabis subdit contrarios autem parcius, quippe qui exiguum habeant sanguinis, carnemque facile transpirabilem, & inter hos parcius euacuandos numerat pueros: statim enim addit. *Hac ratione .i. parcè nec pueris venā tundes vsq; ad decimū ætatis annum: copiosius, post quem si multus congestus sanguis appareat, tempusque anni Vernalis fuerit, regioque natura temperata, & pueri natura bene sanguinea, conditiones pro phlebotomia, sanguinem minues copiosius quàm prius multoque magis si aut peripneumonia, aut angina, aut pleuritidis, aut alterius acuti grauisque morbi periculum incumbat. Detrahes autem primum, ut summum, ad cotylam vsque idest vnc. viij. dram. 2. scup. 2. secundum alios vnc. x. Quod si postea perpendiculari vires, permanere valide videantur, dimidium eius adijcies, reiterata missione. i. vnc. iv. scup. iv. vel vnc. v. & in totum erunt sang. vnc. 12. & semis, vel vnc. xv. quod si pueris post. 14. annum lib. i. sang. mitti potest, circa 7. mittemus tantum dimidium, vnc. vi. & trium annorum ætate vncias tres, semper data aliqua proportione.*

Galenus al-  
ter locus.



Galenus se  
explicat.

At Primo ad Gla. c. 14. Gal. explicare videtur quod alibi obscurè dixerat, *His etiam* (inquit) *& etas annumeranda est veluti accidens quoddam, quod prohibendi integram vacuationem vim habet: neque enim pueri, neque seniores hanc sine noxa tolerant. Hosce igitur omnes, ubi dispositiones hortentur, non semel, neque ex toto, sed paulatim oportet euacuare. ubi manifestissimum est Galenum velle integram, copiosam, excedentem, atque ad syncopem, vacuationem ab etate posse prohiberi, cum tamen concedat partialem, repetitam, & paruum euacuationem.*

Galenus  
mens.

Credimus autem pueris ante 14. annum à Galeno prohibitam fuisse eam tantum phlebotomiam, quæ copiosa est, & suo tempore sæpissimè fieri solebat, usque ad syncopem, concessisse autem paucam, & solum denegasse nuper natis puerulis venæ apertionem, quod iurè factum fuit ob venarum exilitatem ita lib. de sectis c. 3. *si etas* (inquit) *aut pueri natu admodum parui, aut senis in senium longè pro- uecti, &c. inde nemo est, qui venam discindere audeat.* ubi prohibet omnino paruulis, non maioribus, bimis, trimisue, quibus nostri experti chirurgi facillimè venas secant: in maioribus igitur secari vena potest, & cum Gal. 3. meth. c. 11. *mensuram vacuationis tum ex re- dundantia modo inuenies tum etate, natura, regione &c.* nos autem in sanguine pueris mit- tendo audaciores esse Galeno possumus, quia  
modo



modo pueri Romani validiores sunt, & sanguine magis abundant, quàm tēpore Galeni. nunc enim etiam lactentes Vinum potāt continuo, cū tempore antiquo illo interdiceretur eis. 5. enim de sanit. tuen. 5. dicitur Vinū pueris esse alienissimum, & lib. 1. c. 11. pluribus agit non esse dandum Vinum pueris, & concludit neminem rationis compotem vti Vino pueros concessurum, & neq; *etiam adultis nisi modicè sumptū* vrile iudicat, & lib. quod animi mores & c. c. 10. ex Platonis Timeo. *Pueri duodeuigesimum annum à vino prorsus abstineant.* ita ablata videntur difficultates omnes de sanguine mittendo in pueris, & roborata Romanorū sententia prædicta, procul delegata tum avaritia, & timore sanguinis, tum etiam prodigalitate, nimiaque alieni sanguinis siti. possem autem addere multos auctores, multasque Nationes, quæ huiusmodi salubrem in pueris Romanorum vsum sibi familiarem fecerunt; sed Eminentissimæ Romanæ scholæ dignitas, & auctoritas non eger aliena auctoritate.

Regrediar modo ad τῆς φλεβοτομίας ἐκλείψιν, illud nimirum in medendo vitium, quod venæ sectionem necessariam penitus omittendo, vel deficienter imperando committitur, sed superfluous omnino labor, & gratis susceptus videtur, essetque recoctam proponere, ἡγάμ. βν. namquē Galenus Erasistrateos debellavit, & perdidit, eiusque libri satis sunt pro expugnatione vnius, alteriusvè resurgen-

Vinū pueris interdicitur.

Defectus phlebotomiae.



tis ἀπορροή. Afferam tamen ex multis pauca  
quædam nocumenta insequentia omis-  
sam, vel paucam sanguinis euacuationem.

Primò autem nocuam esse dicimus omis-  
sam venæ sectionem existente plethorica di-  
spositione, quapropter Hipp. 1. Aph. 3. *Ha-  
bitus Athletarum* (inquit) qui ad summum bo-  
nitatis attingunt, periculosi, si in extremo con-  
siterint. Neque enim possunt in eodem per-  
manere, neque quiescere. Cum verò non quie-  
scant, neque possunt proficere in melius. reli-  
quum est ut decidant in deterius. His de causis  
*In plethor.* bonum habitum statim solvere expedit, ut cor-  
pus rursus nutriri incipiat. in commento scri-  
bit Gal. quod in tali habitu, cum vasa cibus, ac  
potibus fuerint supra modum repleta, pericu-  
lum est, ne aut ipsa dirumpantur, aut calor na-  
tius suffocetur, extinguaturque; sicuti etiam  
subita morte interierunt athleta quidam, cum  
ad summam repletionem venissent. patet igitur  
quod nisi in tali dispositione mittatur sanguis  
magna imminent pericula.

Secundo. Si Mulieri menstrua cessauerint,  
& ex abundantia sanguinis in Venis, sanguis  
euomatur, omissa Venæ sectio plurimū laedet;  
nam Hipp. 5. aph. 32. & 1. de Morb. 6. *Mulier*  
*Menstr.*  
*cessatis.* *sanguinem euomenti, mensstruis erumpentibus*  
*solutio.* Gal. verò in com. vult, ut misso è ve-  
na sanguine euacuemus plenitudinem, natu-  
ram imitantes; ita etiam quia aph. 33. sub-  
dit Hipp. *mulieri mensstruis deficientibus, san-*  
*guis*



*guis à naribus fluens bonum. nos naturæ imi-  
tatione, quum ea cessat, vena secta abundan-  
tiam tollemus. pericula autem ob retenta  
menstrua Hipp. lib. de Virg. morb. recenset di-  
cens cum sang. non habuerit effluxum in virgi-  
ne nubili, præ multitudine resilit ad cor, & ad  
septum transversum, cum igitur hæc repleta fue-  
rint, cor fatuum fit; deinde ex fatuitate torpedo,  
postea ex torpedine delirium apprehendit.*

Tertio. sicut deficiente consueta sanguinis  
euacuatione per hæmorrhoidas multa peri-  
cula imminet. Nam Hipp. 6. aph. 12. *ad diutur-  
nis sanato hæmorrhoidibus, si una non seruetur  
periculum est Hidropem, vel tabem aduenire.*  
ita Medicus, cessante omnino ea vacuatione,  
si Venam secare non festinauerit dīclorum  
affectuum particeps causæ erit. ita etiam  
scripsit 3. in 1. pror. com. 39. *Qui statis tempo-  
ribus sanguinem profundunt, siticulosi hi, diffi-  
ciles, & exoluti, si non profuderint, Epileptici  
moriuntur.* cum autem ex Gal. in com. vacua-  
tio sanguinis consueta retenta fuit, his mor-  
bos fore plethoricos, manāte ipso ad eas cor-  
poris partes, quæ retentis excretionibus pro-  
pinquæ sunt, vel ad eas, quæ imbecilliores  
existunt: particulatim verò de iis, quæ ex  
hæmorrhoidibus, ut pote excrementis existi-  
tibus melancholicis, alunt vel melancholiam,  
vel phthisin, vel hyderum, vel varices, vel  
cancrum, vel Elephantem: præter hos autem  
vnicuique, in ea parte fore affectionem, quæ  
cæteris

Defectu con-  
suetæ va-  
cuationis.



ceteris manifestè imbecillior existit, sensus autem Hipp. est, quod si cessante solita sanguinis euacuatione, egri facti fuerint siticulosi, difficiles, & exoluti, si profuderint more cōsuetō sāg. bonum esse; si verò non profuderint Epilepticos mori. Medicus autem si in huiusmodi casu non secauerit Venam mortis reus ipse erit.

Quarto. Hipp. 1. Epid. constit. 3. in febribus ardentibus. *Quibus quidem bene, ac large sanguis per nares erupit, per hoc maxime seruabantur; & nullum noui, qui in hac constitutione mortuus esset, si rectè ipsi sang profluxisset. In Philisco enim & Epaminone, ac Sileno, quarta, ac quinta die parum de naribus stillauit, & moriebantur, deinde scribit. Sanguis autem plurimis erupit, maxime adolescentibus, & in vigore constitutis, & talium plerique perierunt quibus sang. non erupit. ex quo textu colligo in quibusdam febribus non factam sanguinis excretionem mortis esse causam, caueat igitur Medicus ne peccet omissione venæ sectionis.*

Possẽm hic plurimos affectus, & constitutiones afferre, in quibus omissa venæ sectio maximo esset detrimento: sed hæc innotescẽt in alia Epist. de vero Vsu phlebotomiæ, vbi tradendum est, quando Venæ sectio conueniat.

*περί τῆς περιβολῆς.*

**A**lterum autē vitiū, quod in Abusu venæ sectionis committitur est *τῆς περιβολῆς* excēdens,



dens, & superflua sanguinis emissio: vt autem Galenus in Erasistrateos, & Hæmophobos sui temporis acerrimè disputauit, & penitus profligauit; ita à me hoc æuo contrarium vitium est debellandum, meumque ingenium exercere cogor contrà τὰς φιλαιμάτας, prodigosque sanguinis effusores; Et quot quidē damna sub copiosa sanguinis vacuatione delitescunt? damnanda autem omnino est excedens humani cruoris, Vitæ Thesauri, & animæ vegetantis domicilij deperditio, illam autem excedentem voco sanguinis missionem, quæ vltra vires corporis est, illā verò moderatam, (etiam si vsque ad syncopem processerit) in qua virium adest robur, conferentia, & tolerantia. Medicos autem, qui in excessu phlebotomiæ sæpe, & data opera peccant, expellere possumus cum Delphico Oraculo. dientes. βαῖν ἀπ' ἐμῶν τριπόδων, ἔτι τοι φόβος ἀμφὶ χέρεσσι, Πελύδ' ἀπεσάζων, ἀπὸ λαίνης ἔδου' ῥύκει. Temerarij enim sunt Philæmates, & in medicina Hæretici, & hos quidem paucissimos adesse puto in Italia. Fama quidem est scholam Parisiensem copiosam esse in sanguine mittendo, ego autem ipsam neque prodigam, neque sæuam in sanguine mittendo imaginari queo, quum enim sapientissima sit, nunquam mihi inducam, vt credam, ab ea quicquam temere agi; verum quidem est Regionem à Regione variare, aerē ab aere, si igitur Hispani, si Galli, si Germani, nec simul ipsi, nec cum Italīs conueniunt in quan-

Cede meis  
mensis ma-  
nibus nam  
sang. adhe-  
res, destil-  
lansque re-  
cens pro-  
hibet tibi  
limina Te-  
pli.



quantitate sanguinis vacuandi; quid ad Romanos? qui aere diuerso fruuntur, & sicut Regio, Cœli aspectus, habitatorum temperamenta, victus, mores, & consuetudines incolarum diuersa sunt, ita in medendi praxi (vt cuilibet leuiter in medicina, vel in Hipp. lectione versato patet) non parum variare licet remedium tum quantitatem, tum numerum, tempus, modum, figuram, & præcipuæ phlebotomiæ usum, laudandumque est prouerbium illud *Dum Romæ es Romano viuito more*, non erit ergo probanda illorum opinio, qui alienos medendi mores inducunt, diuersas sanguinis profusiones, easque vel exterorum more, quod enim illis in Regionibus saluberrimum est, hic Romæ erit fortè perniciosissimum, vt in plantis apertissimum est, tum in Persea arbore, tum in Iuccæ radice, quod in Historia plantarum Horti Farnesiani aliàs dictum fuit luculentè. Peccauerunt autem quondam in sanguine mittendo Erasistratei quidam; qui à Galeni verbis seducti, phlebotomiam in usum trahere cœperunt, vt legere est apud Gal. contrà Erasim. qui cum sanguinis mittendi veras leges ignorarent, ex defectu, in excessum cecidere; superioribus autem annis in hoc peccauit Botallus, contra quem insurrexerunt Galli multi, occasionemque scribendi sumpserunt. Bonauentura Grangerius, Iac. Pontius, Io. Bapt. Donatus, Georgius Caspius Marcus procerus, & alij: scripsit etiam de  
abusu



abusu Venæ sectionis Iac. Cotugnus. ego autē  
cæteris relictis accedam ad explicanda nocu-  
menta, quæ sequuntur excessus Phlebotomiæ, in  
primis autem afferre placet carmina quædam,  
ad hanc rem facientia excussa apud Iacobum  
Pontium lugdunensem Medicum in lib. de ni-  
mis licētiosa, & liberaliore, intēpestiuaq; sang.  
missione, liceatq; mihi ea transcribere, & pro-  
ferre pro vsu meorum discipulorum, ut nocu-  
menta venæ sectionis diligentius intueantur.

## AD IACOBVM PONTIVM

Poetica Sanguinis quærimonia

Iani Emichoeni Aruerni.

**S**anguine cum nostræ constet pars maxima  
vita

Et corpus linquat Gelidum cū sanguine vita,  
Visque animæ cum sit, sedesque potissima san-  
guis.

Purpuream indè animam magno recitante  
poëta,

Cur fiunt sectis exanguia corpora venis?

Sin minùs arrident tanti tibi verba poëta,

Accipe quod summi statuunt ediëta Tonantis,

Parcite mortales, esu temperate nefando.

Maëstata pecudis vetitum cum carne cruorem:

Nempe quod insit in hoc anima (inquit sitquē  
piandum

Crimen morte atrox anima cum sanguine ve-  
sci.)

Haud



*Haud secus immundum prohibebat sanguinis esum*

*Alteriusq: animantem animantis viuere letho  
Exuere humanos ritusque referre ferarum,  
Nomina qui primum mutauit vana sophorum,  
Atque samum fugiens Crotonia littora venit:  
Cum sat abundè homini tellus alimenta ministret.*

*Poma, nucesque gerant horti, sint vitibus uuae  
Sensit & hoc, animam, vitamq; in sanguine.  
poni*

*Ambitione noua flagrans qui numen haberi  
Precipitem sese flagrantem misit in Aethnam.  
Quis furor arripit mortalia pectora, morti,  
Vt sponte occurrant, studeant quoque fallere vitam?*

*Accelerentque necem iaetura sanguinis, atque  
Alterius nutu properent præbere secunda  
Brachia, credentes dubiæ sua membra securi?*

*Quæ noua tam sitiens humanum Empusa  
cruorem,  
Aut Lamia, absorbet saniem iuuenumque senumque?*

*Sarmata, quisne Getas inter tam dirus habetur  
Quem iuuat epoto, calidoque madere cruore?  
Intus alit sanguis, necat extra: durus & inde est.*

*Intinctas solitus vibrare cruore sagittas  
Vulneribus Scythæ, quo possit procul esse medela.*

*Sanguineasque pluit guttas cum Iupiter, iram  
Porten-*



Portendit, pœnasque monens, instare minatur

Humano generi, scelerumque piacula poscit:  
Prodigat infamis media gladiator arena  
Quamlibet alterius, pugnans, propriumque  
cruorem.

An nondum exhausto sacrati sanguine?

Non si

Sanguineam vestra penitus mergantur in  
utrem

Ceruices, primò veluti fecisse Monarchæ  
Persarum, Scythia fertur regina Tomiris?  
Heu nunquamne cutim nisi pleni forte cruo-  
ris

Limosæ exemplo linquetis hirudinis? At vos  
Iessæ saltem moneant oracula vatis;  
Extimulentque sacri solemnia cantica Re-  
gis,

Ingratis benefacta Dei qui tanta recensens  
Exprobanſque Apage hinc procul, vir san-  
guinis, inquit:

Attulit incautis quod missio sanguinis ista  
Importuna necem subitam languentibus agris  
Fasciolam ob laxam neglecti vulneris. An-  
non

Oesopicus sanguis vobis, hoc tempore belli  
Formidandus erit, Christi qui numine laso  
Nil hominis præter faciem, nomenque tene-  
tis?

Non sat erat morbi omne genus, veluti ag-  
mine facto

Quo.



Quotidie rabidamque famem pestemque so-  
lere.

(Præter tot quibus est ætas obnoxia casus)  
Tenuia mortalis præcidere tempora vita:  
Infectis cadere occulto paterisque veneno  
Complures, paucos, at sine morte perire  
Ni sua nudarent sceleratum in viscera fer-  
rum?

Non sat erat suavi interdicerè Sanguinis  
agris

Telluris potu, dum lance viuitis ipsi?  
Esse salutarem quem suaserat: attamen  
olim

Qui Latij princeps, Medicum nomenque de-  
musque

Afferuit quod turba rudis labefecerat ante?  
Non sat erat, tot funesto cecidisse tumultu  
Myriades hominum, specie pietatis auita:  
Nocte Hereboque satis præbentibus arma, fa-  
cesque

Prob dolor! in nostras ausis furialibus  
oras:

Vnde tot in nostras incendia lata per urbes,  
Vnde tot atroces strages cadesque cruenta?

Ergo sacra cohors medicum, Phoebeia pro-  
les,

Aut nunquam, aut nisi præsentis discrimine  
vita,

Parcius è venis vitalem haurite liquorem:  
Quo sine, prorsus homo nihil est quàm putre  
cadaver.

Si



*Si quid inest autem vitiosum in sanguine,  
ut atra*

*Sibilis vel flaua natat, pituita uè lenta,  
Purgetur sensim, victus ratione, vel usu  
Rerum quæ sani fuerint medicaminis instar.*

*Sic ego te memini in tenui scripsisse libello:  
(Vndè tamen Ponti tibi laus non infima cedit  
Noscere si liceat generosum ex ungue Leonem)  
Immodicos ætus præpones purgare solere  
Hepatis, obstructosque sero referare meatus  
Pronorum nimium in Venerem genesimque  
iuuare.*

*Ergo Vita hominũ vindex clarissime Ponti,  
Ac Princeps, quotquot docto numerosa medentũ  
Nunc alit atque fouet deducta colonia Planco,  
Euge, manu abstrusis concinnum mitte libellũ  
In lucem è tenebris, errores detegis vnus  
Quo labyrinthos veterum, primisque recentum  
Qui sine delectu eliciunt è corpore sanguinem:  
Quo sine prorsus homo nihil est quàm putre ca-  
dauet.*

*Qualis enim esse potest agris damnosior vllus  
Artis quàm medices temerarius ac malus error,  
Vnde salus hominũ pendet? sic non datur error  
Duplex in bello, Lamacho quem teste, fre-  
quenter*

*Consequitur clades summa, exitiumq; malorũ.*

*Non igitur pigeat pudeat uè in luminis auras  
Quos latitare domi reliquos sinis edere foetus:  
Quorum conuellent nulla vnquam obliuia fa-  
mam*

D

Per-



*Perpetuò quin passim etiam excipientur honore.*

Quid sen-  
tiat L. Pót.

Hæc autem attuli non vt mediocrem, quam laudo, sed vt excedentem Cruentationem notarem. Neque Pontius Methodicam sanguinis euacuationem despexit, sed excedentem abhorruit. Ego autem breuiter adducam in medium nocumenta quædam, quæ tum ab Antiquis, tum à nostris timentur ob copiosorem Venæ sectionem.

1. Notu-  
mentum.  
Copiosa  
phlebot.  
corpus re-  
frigerat.

In primis, quod copiosa sanguinis emissio corpora refrigeret nemo negabit, si enim in sanguine calor est, (vndè nullum exanguè Animal calidum scripsit Gal. de fœtus format. cap. 3.) sang. euacuatio erit caloris diminutio propterea in superpurgationibus vltimò, & non nisi coacta natura, sanguis educitur: nempe, quia calore viuimus, & in sanguine calor est. vnde Gal. 6. de Vsu part. 9. pisces esse temperamento frigido asserit ob sanguinis penuriam. & lib. quod Animi mores, &c. cap. 3. *illud euidenter perspicuum noui* (inquit) *sanguinis missione corpus frigesce*. quærit etiam ibi cur sanguinis copiosa euacuatio animam disiungat à corpore, & 4. in 6. Epid. 25. ex sanguinis inopia fieri voluit, vt carnes refrigeretur, acquisititium sanè calorem à sanguine, non proprium, non insitum, vt iecur, & cor possidentes, proinde venosi sunt calidiores ob copiam sanguinis: huius igitur magnæ emissio semper erit nocua, semper calorem imminuet, & quò copiosior, eò magis inimica,

Refrigera-  
tio a spiri-  
tuum ino-  
pia.

verum



verum aliquando prodest corpus ardens refrigerando. Venæ enim sectio ex Gal. 10. meth. 10. non primum, sed ex accidenti calidam aliquando intemperiem sanat. in cæteris casibus vituperanda est frigiditas introducta per sanguinis inopiam; inde prodeunt prava accidentia. Adeò autem timuit Gal. corporis refrigerationem ob sanguinis penuriam, ut mittere sanguinem non permiserit in temperamenti, ætate, regione, anni tempore, & morbis frigidis, quod etiam Auic. retulit; nè tanta introduceretur frigiditas, ut calor naturalis functiones suas perficere non valeret, & observauimus nos multos post copiosam sanguinis excretionem aliquando à Natura, aliquando vulneribus, vel indocti medici consilio factam, ita frigidos redditos, ut non solum extrema, sed etiam corporis caro diu ad tactum frigida sentiretur; immo etiam internæ coctiones imminuebantur ab inducã frigiditate: habemus exempla apud Hipp. 1. prorretic. 19. & in Coacis, de frigiditate ex Hæmorrhagia. ait .n. *Quæ diebus Criticis ex hæmorrhagia incidit valida perfrigeratio, pessima.* Deinde. *Quæ à profluuio narium cum sudatiuncula incidit perfrigeratio mala est.* Præterea. *Detractio sanguinis in Torpida perfrigeratione malum, & Paulò post. In perfrigeratione non sine febre torpidos sanguinis detractio ledit, & putantes se melius habere, hi moriuntur.*

Galenus me-  
tus.

Hippocras.

Secundo. Affero ob copiosam sanguinis  
D 2 missio- 2. Noc.



Corpora  
exanguia  
decoloran-  
tur,

De colores  
nō purgā di

quid sit Exā-  
guis.

3. Nocū.

Phlebot.  
Visum he-  
berat surdi-  
tatē facit.

millionem corpora reddita exanguia decolorari, & amittere floridum colorem, exalbida- que longo tempore permanere, testis erit Hipp. 2. in 2. Epid. scribens. *Dicendum quod, ubi sanguis effluxit, expallescent.* & in lib. secretorum Gal. ascripto legitur medicamentum ad mutatum colorem ex fluxu sanguinis superfluo. Sed dices. quid refert in agrotante colorem exalbescere? respōdeo hoc esse plurimi faciendum: nā Hipp. scripsit decolores nō esse purgādos. 4. acut. 115. & li. de Veratro. *neque etiā exanguēs*, sed Gal. per exanguēs intelligit decoloratos ob penuriam sanguinis. vnde quum Hipp. 5. Epid. num. 2. Tabescenti viro in Oeniade venam secuerit *in utraque manu, donec exanguis redderetur* intelligendum est donec colorem faciei amiserit, non autem donec totus sanguis fuerit exhaustus, vel donec sanguis ex se sistatur, hoc enim vel esset periculosum expectare si tardē sisteretur, vel pauci iuamenti, si citō quiesceret, & Bonau. Grangerius pag. 38. *decolorem* vertit verbum *ἐξαιμωσ*.

Tertio. Vulgaris fama est copiosam, & frequentem sanguinis effusionem oculorum aciem hebetare, ob spirituum defectum; nam quum animales spiritus ex vitalibus fiant, & hi sanguine nutriantur, ablato nutrimento, diminui spiritus necesse est, & hinc etiam minui actiones à spiritibus productas, ita etiam surditas succedit copiosæ sang. Euacuationi, & quendam noui ob copiosum sanguinis efflu-

xum



zum ex hirudinibus propè aures admoris, sur-  
dum esse omnino redditum, & adhuc per-  
manere.

Quarto. tanta nervis impartitur læsio, vt  
Tremores, cōuulsiones, & singultus succedant.  
Prædixit autem ea bis mille ab hinc annis Hip-  
pocrates, vt 5. aph. 3. *sanguine multo effuso*  
*conuulsio, aut singultus accedens, malum.* idem  
repetit. 7. aph. 7. & in Coacis prænotionibus.  
5. etiam Aphor. 56. *in fluxu muliebri* (inquit)  
*conuulsio, & animi deliquium si accidat ma-*  
*lum.* Tremor autem ex Gal. lib. de Tremore,  
conuuls. &c. fit quandoquē à largo sanguinis  
fluore, fit etiam à copia sanguinis retenti.

Quinto. Quod ex copiosa sanguinis mis-  
sione sequatur syncope dubitare piaculum est,  
Auctores enim sæpe sanguinē mittendū con-  
sulunt vsque ad animi defectum, ad syncopem,  
exclusiue tamen, quod si pergat effluere vitæ  
Thesaurus sequitur Syncope ipsa, & Mors,  
teste etiam ipso Gal. 5. aph. 16. nam cum in  
syncope omnes vires præcipites ruant, ex tan-  
ta læsione, si reuiuiscat æger remanet tamen  
corpus ita debile, & eneruatum, vt reliquo vi-  
tæ tēpore imbecille permaneat, diminuto au-  
tem calore naturali, coctiones nō perficiuntur  
& reliqui humores corrumpuntur. Vires enim  
imminuit semper sang. missio ex Gal. 3. de V.  
acut. 17. hinc Pulsus vermiculantes sequuntur  
(ex Gal. 2. de presag. ex puls. 9.) sanguinis pro-  
fluvia, & mensium, ac hæmorrhoidarum largas

4. Nocū.  
Phleb. ner  
uos lēdir.

5. Nocū.  
Syncope

Pulsus in  
Syncope.



Evacuatio  
ad syncopē

Ex Phlebo-  
tomia quæ  
mala.

vacuationes, ostendentes arteriam mollem, quidem, sed debilitatam insigniter facultatem, suntquæ etiam pulsus (ex 4. de cau. puls. 27.) parui, languidi, inordinati, celeres, & crebri. ob virtutis defectum. Iurè igitur Auer. 7. collig. 8. timuit syncopem à phlebotomia, quia mors in propinquo est. Neque antiqui tam facile accedebant ad eam phlebotomiam, quæ animi defectum parere poterat, nam Hipp. antea considerata proponit, & requirit Morbi magnitudinem, Virium robur, & ætatem firmam, & quamuis eam coactus concedat aliquando, vult tamèn cum timore ad eam nos accedere: vt patet 1. aph. 23. *Ubi usque ad animi defectum expedit ducere, faciendum, si aeger possit tolerare.* & Gal. in com. Oportet, inquit, viribus integris atque valentibus tantam moliri euacuationem. Præterea, audire licet ipsum Galenum 9. meth. c. 10. dicentem. *Si quidem in sanguinis missione quam usque ad animi defectum faciendam esse paulo ante diximus, quò flamma in Synochis ex meatuum clausura febribus extingueretur, non paruum meritò subsequetur incommodum, nisi opportuno tempore, aut debita mensura fiat. Duos namque in ipsis medicorum manibus perire vidi, qui post, quam animo liquerentur, nunquam reuixerunt. Multi verò, etsi non protinus, at postea propter virtutis infirmitatem perierunt: quos si quis citrà eius resolutionem vacuasset, minimè perisset. Quin etiam aliqui*



qui in morbos inciderūt longos, postquā immo-  
dica inanitione resoluta naturalis vis fuit. Alijs  
cum immodicæ vacuationis noxam sarcire non  
potuissent in omne reliquum vitæ tempus totius  
corporis temperamētum redditum est frigidius.

Ex qua refrigeratione facile ex quavis occasio-  
ne læsi, alij decolorati, ac malo corporis habitu  
vixerunt, alij ex eo ipso in morbos deciderunt  
exitiales, aquam inter cutem, & Orthopneam,  
& iecinoris, ac ventriculi imbecillitatem, &  
Apoplexiam, & Paralysim, & deliria. & de-  
cur. ratione per sang. m. 12. vtile est pulsus  
attendere, ne nobis inopinantibus (inquit) pro  
animi deliquio mors occupet, quod sanè tribus  
euenisse medicis noui. Venam secabat eorum  
vnus Mulieri febricitanti, aliorum vterque  
viro; sed ad tantum animi duxere deliquium  
vt vires recuperari non possent: proinde satius  
est, tam copiosis vacuationibus abstinere, nisi  
magna incumbat necessitas. nec Iuberto do-  
ctissimo Gallo placuit copiosa, totiesque ite-  
rata sang. missio, vt libello de rē hac dicato  
scripsit. Quæ si legissent quidam nostri tem-  
poris medici, minus profectò faciles in sangui-  
ne mittendo essent, nec assererent, id ex Gale-  
ni sententia se efficere: nec Experimentis de  
copiosa sang. missione ab vno, vel altero Me-  
dico narratis, vt suam opinionem protegant,  
errataque alia tegant, multam adhibere debe-  
mus fidem; nam Erasistratus, qui nunquam  
misit sang. sua experimenta producebat sana.

E Syncope  
aliquot  
Morui.

Erasistra-  
ti experiē-  
tia.



torum absque phlebotomia, & tanti æstima-  
batur illo sæculo, vt primatum in Medicina,  
teneret, & pleraque Medicorum pars Eras-  
istrateam se nuncupabat. Eratque talis vt (re-  
ferente Gal. adu. Erasistrateos c. 4.) *Quorun-  
dam iudicio Hippocrati par esse videretur*, ta-  
men, vt maximum in Medicina vitium est de-  
fectus in phlebotomia, ita maximò maius erit  
excessus in effusione sanguinis humani, quam  
breui, quandoque illico, sequitur Mors. Nos  
etiam Romani omnes æquali modo in nostro  
Cælo, quotidie experimur excedentem, ni-  
misque reiteratam sang. missionem, maximè  
nocere, mediocrem vero mirum in modum  
iuuare. Numne Hipp. scripsit. 2. aph. 51. *plu-  
rimum, & repete euacuare periculosum, & om-  
ne nimium naturæ esse inimicum*, & prius lib. 1.  
aph. 3. euacuationes extremas periculosas di-  
xerat, quod si aph. 2. eas dānat euacuationes.  
Hipp. quas ægri grauiter ferūt. Quid quæso gra-  
uius esse potest, quàm præ vacuationis magni-  
tudine animo linqui? vnde Gal. 9. meth. c. 10.  
in sang. missione iubet nos attētos esse pulsuū  
diminutionibus, nè nobis inopinātibus pro ani-  
mi deliquio mors obrepat. sic Hipp. 6. aph. 20.  
*Hydropici, aut Empiematici dum vruntur, aut  
secantur, si pus aut aqua confertim effluat,  
moriuntur.* ratio est in prōptu ex Gal. desum-  
pta, quia euacuatur vnā cum peccantibus hu-  
moribus spirituum copia, quam, dum sustine-  
re, vires nō possunt protinūs concidunt, quod si  
mors

Hippoc.

Nimie eua-  
cuationis  
nocumēta.



mors consequitur prauorum humorum in abdomine contentorum vacuationem excedentem, quanto magis ad sanguinis (qui caloris, & spirituum insignē copiam continet) profusam, & prodigam euacuationē, consequetur?

6 Noct.  
Lēſio fa cul  
tatis ani  
malis.

Seſto . Quotidie experimur facultatem animalem à copioſa ſang. miſſione ita ladi, vt amittatur memoria, deficientque ſenſus, & Imaginatio, & ratiocinatio, vt teſtatur Hipp. 7. aph. 9. ſcribēs. *Ex ſanguinis fluxu deliriū, aut etiam cōuulſio, malum.* nec mirum, quia ſi ſanguis alimentum eſt ſpirituum Vitalium, & ex his gignuntur animales, ablato ſanguine tabeſcunt ſpiritus vitales, & deficiunt animales, quibus deficientibus Animalis facultas tanquam ſuis inſtrumentis priuata actiones, conſuetas haud valet perficere, neque ſolum deſipientia, & fatuitas emergunt, ſed etiam delirium, ſeu deprauatio actionum, rationabilis cōmotæ poſt euacuatū ſanguinē, qui eius frenū erat, ſed hoc magis accidit redundante Melancholia, vel atrabile, quæ ablato ſanguine furit magis, & in maniā, vel melācholiā leuiter deſipientes inducit, ſiccato corpore, ac refrigerato, & conſūptis ſpiritibus humidis, & lucidis.

Delirium.

Septimo. Immanis, & barbara ſanguinis miſſio Senectutem immaturam, valetudinariamque accerſit, & naturalem accelerat interitum. *Cum enim* (inquit Pontius) *ſeneſcere nihil ſit aliud, quàm mutari à calido, & humido temperamento, in frigidum, & ſiccum, an-*

7 Noct.  
Senectus  
accelerata

I Pontij  
verba.

no-



norum decursu . Nihil est , quod id magis præ-  
 stet, nec quod citius aduehat eiusmodi tempera-  
 menti mutationem, quam frequentior profusior-  
 que sanguinis missio, propter caloris natui, &  
 spirituum immutationem, ac dissipationem ma-  
 ximam, quam adfert, tum etiam facultatum  
 corpus nostrum dispensantium, quam inducit,  
 labefactionem. Ex quibus excrementorum  
 quoque prouentus maximus, qui senectutem  
 immaturam non solum accersunt. sed etiam  
 innumeris, ac varijs morbis reddunt obnoxiam.  
 In sanguine etenim multus calor viuulus inest.  
 quem à corde acceptum singulis partibus com-  
 municat, multa, & magna spirituum copia, quæ  
 una cum ipso sanguine, dum euacuatur, ef-  
 fluunt, ac elabuntur è venis: ut equidem ad  
 illius euacuationem, & spirituum, & caloris  
 natui non parua imminutio necessario conse-  
 quatur. Eccè, quæ protulit Doctissimus Lug-  
 dunensis. Et neminem ignorare arbitror (in-  
 quit Gal. 2. aph. 28. ) ex profluvio sanguinis  
 multo citò corpus extenuari: immo ad Tabem  
 perducit, nam 7. method. 6. sanguinis penuria  
 siccitatem facit in exilibus venis, & arterijs .

Extenuatio  
 à sang. pro-  
 fluvio.

Accelerat etiam naturalem interitum, si  
 quidem si naturalis mors ex siccitate contin-  
 git, teste Gal. 1. de diff. feb. 8. ex sang. profluvio  
 quum siccentur corpora, ad interitum com-  
 pellentur; nam humidum primigenium, (quod  
 alimento continuo æget quia continuò à ca-  
 lore depascitur ) imminuto nutrimento ob-

Mortis ac-  
 celeratio.

san-



sanguinem emissum deficit, & siccatur. Præterea si naturalis mors fit ex resolutione triplicis substantiæ spirituum, humorum, & solidorum, quo maior erit resolutio, eò citius secundum naturam accelerabitur interitus, addita enim violente triplicis substantiæ resolutione illi, quæ assidue naturaliter fit, nulli dubium est quin tanta ibi inducatur eius penuria, ut Ventriculus, ac Hepar viribus naturalibus amissis non solum paulò deteriore sanguinem gignant, illo, qui ablatus fuit; sed longè inferiorem, ex quo invalidum corpori præstari postea alimentum contingit, hinc atrophia, & mors succedunt. Acceleratur etiam interitus abundantia excrementorum, & inopia alimenti: at in tanta sanguinis, & spiritum resolutione, quæ facultas vigere, & consistere poterit? certè imminuto calore naturali concoctrix facultas invalida non optimum alimentum, sed excrementorum copiam pariet.

Penuriæ  
sang. vitæ.

Octavo. Iam dixi ex immodica sanguinis effusione debilitari corpora, & concoctricem facultatem lædi, quid ergo gignetur? non optimus sanguinis, sed cruda pituita, & excrementorum copia, quia corpora refrigerata, & relaxata non facultatem tantum concoctricem debilem sortiuntur, sed etiam retentricem, hinc Hipp. 4. aph. 27. *Quibus in febribus (inquit) sanguinis fluxerit multitudo quacumque ex parte: cum reficiuntur, alui ijs humectantur.*

8. Nociv.  
Concoctrix  
debilitatur.



Crisis im-  
peditur.

Phleb. im-  
pedit Cri-  
sim.

*meētantur, quod repetit 1. Prorret, & in Coa-  
cis. Galenus autem in com. ait. Calore nativo  
debilitato ex profluvio sanguinis, neque cibi  
bene concoqui, neque in sanguinem transmu-  
tari, multoque etiam magis neque distribui pos-  
sunt per corpus; propter hæc omnia, aluos fieri  
humidiores par est. neque solum facultas con-  
coctrix debilis fit circa cibos, sed etiam circa  
materiam morbificam, Sic enim impediuntur  
crises, & humorum coctio, quæ calore na-  
turali opus habet valido, vnde in morborum  
statu non est secanda vena. Sed ex Hipp. quie-  
scendum, ne Crisis impediatur, & natura à co-  
ctione distrahatur: illos autem nullas vnquam  
in suis egrotantibus inspicere crises imaginor,  
qui quocunque morbi tempore, iterum atque  
iterum & decies, & duodecies, & pluries  
sanguinem copiosè detrahunt; & cum nullo  
modo natura (quamvis validissima) coctioni  
incumbere possit, vel nullas, vel malas Crises  
faciet, inconcocta existente (ob caloris penu-  
riam, & vires debiles) materia; sic dum san-  
guinis missione febrem iugulare satagunt, po-  
tius iugulant ægrum, siquidem Hipp. 2. aph.  
29. docuit. *in principijs morborum si quid tibi  
videtur mouendum, moue: cum verò consi-  
stunt, ac vigent, melius est quiescere.* quod op-  
timè explicauit Gal. in com. *Non solo vigore  
(inquiens) exitialium morborum aduentante.  
sed nec etiam in prioribus temporibus mouere,  
quicquàm oportet Recordantibus nobis, quod*  
deplo-*



deploratos non oportet attingere, sed relinque-  
re, & morbi finem tantummodo pronunciare.  
Circa initia verò illorum morborum, in quibus  
speramus ægrum conualiturum, tentandum  
est maiora afferre remedia; de quibus Hipp.  
dixit si quid videtur mouendum moue, sunt  
autem hæc maxime quidem phlebotomia nonnun-  
quam verò, & purgatio; quorum neutrum  
oportet in vigoribus adhibere. Vt enim in libro  
de Crisibus manifestauimus, coctiones morbo-  
rum tunc maxime fiunt. Vt igitur hæc citius  
eueniant, melius est in principijs euacuare, quo  
minorem iam factam materiam facilius natura  
possit concoquere. Morbo autem consistente,  
cum iam natura concoxit, superfluum est eua-  
cuare, cum propter alia, tum quia vis animalis  
maxima ex parte eo tempore est fatigata, licet  
quàm maxime duæ aliæ vitales, ac naturalis,  
fortes persistant. hæc Gal. quibus manifestè  
asserit phlebotomiam crisin instantem prohi-  
bere: sed clariùs admirabilis ille Arabs me-  
dicorum princeps scripsit. non esse sanguinem  
mittendum copiosè si crisis valdè distat, sed  
quiescendum, vel paucum mittendum, vt vir-  
tus seruetur ad crisin perficiendam, itaque  
ratione virium seruandarum pro Crisi paucus  
mittitur sang. in augmento: nihil in statu, &  
declinatione.

In statu nō  
est mitten-  
dus sang.

Hydrops.

Nono. Copiosa sanguinis excretio sæpè ca-  
chexiam, & Hydropem peperit, quod testatus  
est Hipp. 4. in 6. Epid. 11. Ex sang. profluuijs  
Hy-

9. Nocū.



Hydrops corripit, & 2. prorret. n. 11. Cui verò multum sanguinis sursùm, ac deorsùm eruperit, & febris insuper accesserit, eũ multa aqua reple tũ iri timor est, atque hic hydrops breuissimi tẽporis est, & ex quo paucissimi euadunt. Cachexia autem ob fluxum menstruorum fecit mentionem 2. de Morb. mul. n. 3. in qua ubi multus sanguis discessit, color est exalbidus, & facies eleuata, & sub oculis tumores laxi, et crura turgida & uterus humidus, ac sēper prater rationē hians. Gal. autē 2. de Nat. fac. c. 8. Ex diuturnis hæmorrhoidibus vel suppressis, vel immodica profusione hominem ad extremam frigiditatem ducentibus, non semel, aut bis: sed sepē iam aquam inter cutem collectam vidi; sicut mulieribus quoque tum menstruæ purgationis omnimoda cessatio, tum immodica vacuatio, cum scilicet uteri nimio sanguinis profluvio laborarunt sepē hydropem accersuerunt. Ego præ manibus habui à simili causa plures hydropicos, nimirum alios à nimia narium hæmorrhagia, alios à Vomitu sāguinis 10. vel 12. librarum, alios à sanguinis per aluũ deiectione, atque etiam ab hæmorrhoidarum, & vulnerrum sanguine multum excreto, vt particulatim in meo *Sepulcreto* describam. edere enim volo non paucas quasdam meas victorias, vt quidam: sed centena contrā meam artem, Mortis Trophea, cum cadaverum sectionibus, ingenui viri modo, quamuis ego quoque possem fœlices meas quasdam curas extollere, sed

Sepulcretũ  
Castellũ.



sed in extollēda dignitate propria alijs de pal-  
ma cedo : tamen dicam me quandam sanasse  
mulierem , quæ malum habitum conceperat  
eo, quod chirurgus per incuriam (qui mittere  
debuerat ex talo uncias 8.) sanguinis eduxe-  
rat lib. 8. quæ vix post annū sanitatē recupera-  
uit. immo Petrus Franciscus Paulus *Fatemur*  
& nos (inquit) plurimū sanguinis fluxum, seu  
sponte fuerit, seu casu aliquo, aut etiam arte, &  
ad cachexiā, & ad hydropem quoque perducere  
posse: et nos pluries vidimus in maximis hæmor-  
roidarum, & menstruorum, nariumque proflu-  
uijs. Addam etiam Galeni testimonium, 2.  
aph. 22. *Sanguis enim cum supramodum, aut*  
*ex utero muliebri, aut ex venis, quæ hæmorrhoi-*  
*des appellantur aut ex ulcere fluxerit, tunc*  
*vel omnes, vel plurimas operationes ij, qui ita*  
*affecti sunt, offensas habent. Nonnulli verò ip-*  
*sorum non modo hæc patiuntur, verum etiam*  
*aqua inter cutem corripuntur.* huius rei non  
est difficile rationē reddere, refrigerato enim  
corpore, coctiones imminuuntur, & serositas  
genita in cavitatem ventris decidit: fortes au-  
tem euacuationes morbos efficiunt, quia  
operationes lædunt valida inducta intempe-  
ratura.

Historia.

Decimo. Abortum fieri educto sanguine non est meum inuentum: sed Hipp. 5. aph. 31.

*Mulier utero gerens, sanguine misso ex vena, abortit, & magis, si fœtus, sit maior.* Galenus

Abortus a  
phlebot.

ex defectu alimenti id accidere fatetur, & aph.

60. addit



Betallus

60. addit Hipp. *si mulieri utero gerenti purgationes eant, impossibile est fœtum esse sanum.* equidē scio quoddā cū Bottallo reprehensuros Hippocratem. nam plurimis utero gerentibus utiliter mittitur sanguis ex Celso nostro. sed Hipp. (ut etiā Zecchius cons. 90. sentit) intellexit non de parca sang. missione ex brachio, sed copiosa ex talo, vel dicerem loqui comparatiuē magis, & minūs. nobis satis est scire si non semper, plurimū saltem id accidere, ob id hoc etiam periculum instare ex copiosa sang. missione.

11. Nocū.

Phleb. in  
principijs  
apostema-  
tum mala.

Vndecimo. Ex Auicenna habemus, quod in Apostematum principijs penitus phlebotomia est domittenda, *quia humores subtiliat, & eos per corpus fluere facit, & eos sano sanguini admiscet, & est etiam, quum nihil euacuatur ex eo, quod oportet.* 4. hic nocumenta ab Auic. enumerantur phlebotomiæ factæ in principijs inflammationū, de quibus gratis reprehenditur à Sophistico Florentino, ut etiam aduertit Betrus hoc loco, sed Auic. (connotante Costæo) Hippocratem imitatus est. 4. Acut. 22. *Quicumque autem ea, quæ inflammantur, statim morborum inter initia medicamento soluere conantur, ij non solum ab intensa inflammataque parte nihil adimunt, cum non cedat obsequaturque, quæ adhuc cruda est affectio; verum quoque & quæ morbo resistentia, & sana sunt, absumunt colliquantque, ubi autem corpus imbecille fit, morbus praualet;*



let: *vbi autem morbus corpori prauauerit, remedium non habet.* Et quæ de purgatione dixit Hipp. ad phlebotomiam transtulit Auic. cum Gal. 14. de cur. rat. per sang. missionem ob phlegmones malignitatem interdum nihil ab ea emittitur, sed inibi fortiter constringitur: nam quum in phlegmone respiciatur sanguis vel fluens, vel fluxus, per venæ sectionem poterit quidem deriuari fluens: at fluxus, & extrauenatus nequaquã: immo neque scarificatione tolli commodè potest. iurè igitur dixit Auic. *nihil euacuatur ex eo, quod oportet.* quod si natura valida segregauerit humores prauos, & eos expulerit ad aliquam partem, vbi coaceruati putrescant, facta venarum inanitione, retrahuntur illa excrementa in venas sic sano sanguini miscentur. Quin etiam verè dixit eos per corpus fluere non enim conuenit decumbentes in aliqua parte humores retrahi in venas, & in ijs versari, ac per corpus spargi, vt si V. S. esset bilis expulsa ad aliquam partem, & putrescens: ideo Auic. vult sang. mitti in principio antequã figatur materia, vel concocta iam est, non autem in eo tempore in quo fixa iam est, & coqui incipit, quod verò phlebotomia humores subtiliet, negat quidem Petrus Franciscus Paulus, sed non intelligit quod negat, nam post multam sanguinis missionem adeò attenuatur, & Fluidus fit sanguis, vt serosus euadat, quod sæpe obseruauimus: nam imbecillum Hepar, & imbecilli renes

E  
serum

Auic. sumit  
ab Hipp.

Explicatur  
Auic.

Phleb. hu-  
mores sub-  
tiliat.



serum à sanguine non segregant ampliùs quia  
concoctrix debilis est, & refrigeratum corpus,  
& in principijs inflammationum misso è vena  
sanguine, quod relinquitur in venis subtilior,  
& aquosior redditur: nam euacuata venæ à  
parte inflammata trahunt; sed non cedit af-  
fectio cruda, & sanæ partes absumuntur, &  
colliquantur in serosam humiditatem, quæ se-  
rositas sanguini venarum admixta ipsum  
subtiliorem reddit. recte igitur loquutus est  
Auic. sed non intellectus à Barbaromastige,  
Florentino, quem tanti faciunt quidam.

12. Nocū.

Duodecimo. Scribit Eruditissimus Aui-  
cenna. *Pblebotomia, propterea quod ad diuer-  
sum trahit, alium valde astringit. Quumque  
ex multa minutione debilitabitur virtus, mul-  
ti generabuntur humores.* Hoc difficile creditu  
Barbaromastigū scholæ videtur, & Susio p. 111.  
tū quia id retulit Auicēna, cui se opponere au-  
dent (sed Elephas non curat culicem) tum  
etiam quia ex Hipp. colligunt, potius ventrem  
humectari: immò nos quoque supra n. 8. hoc  
pro nocumento phlebotomiæ attulimus. Ga-  
lenus autem 1. aph. 23. secta vena ad syncopim  
*pluriès etiam alius citatur* scripsit. quod etiā  
repetit de curat. per sang. m. 12. & fatetur  
Auic. 1. 4. tr. 2 c. 45.

Nobis verò respondere conducit, tantos il-  
los philosophos nescire, illud, quod fit per se,  
ab eo, quod fit per Accidens, distinguere,  
Namque copiosam sanguinis euacuationem  
sequi-



sequitur quandoque per accidens alui fluor, quia nimium refrigeratur corpus, & calor naturalius redditur debilis, admonente Gal. 4. aph. 27. unde neque concoctrix, neque retentrix valida permanent, alui autem fluor symptoma est retentricis ventriculi, hepatis, & intestinorum relaxata, & ita per Accidens succedit copiosa sang. missione. At è contrà ipsa abundantior sanguinis diminutio per se, propriè, & natura sua aluum exiccare solet, adhibita tamen distinctione, quam docebimus infra. quod non solum confirmant Auicennæ interpretes Gentilis, Dinus, Vgo, Bettus, & alij: sed probare conabor ratione, exemplo, & inductione. primum quidem quia reuellit: vt asserit Auicenna, & certum est, phlebotomia trahi humores ad Venas; quapropter tam à centro ad circumferentiam, quam à circumferentia ad centrum trahere dicenda: cutaneas enim ad centrum, intestinales verò ad circumferentiam: cum igitur ob inanitionem venæ trahant ab intestinis, iurè Medici cōsulunt fæces, & materias in intestinis existentes clystere prius esse educendas, quàm celebretur phlebotomia, timentes tractū iri eas humiditates à Venis exhaustis, quæ excrementosæ nimis sunt. Hinc etiam dicemus, si corpus totum à phlebotomia exiccatur, (vt diximus paulo antenum. 7.) exiccari etiam foeces in intestinis commorantes, quia venæ exinanitæ violenter exugunt per meseraicas excrementorum in-

Phleb. per acid soluit aluum.

Phleb per se siccat fæces.

E 2

inte-



intestinis humiditates, ob quæ necessariò fœces induratae retinentur. Et cur (quæso) in Dysenteria sang. mittunt Medici? an vt sanguis, & aluus fluant magis? an verò, vt reuulsione illa sistantur? sed quid mirum? multa alia reuellentia, & corpus exiccantia fœces in aluo siccant, & remorantur, qua propter meminit Hipp. 5. aph. 83. *miectio noctu plurima facta paruum significat deiectionem*, quia inquit Galenus, necessarium est ventris humore distributo, minorem fieri alui deiectionem: pariter etiam legitur in Hipp. de dent. 2. *quibus pueris multum lactuosum reuomitur his aluus supprimitur*, & 5. in 6. Epid. tex. 28. *Mistio, quæ in ventre sunt indurat*. Galenus autem in com. *Omne corpus venere exiccari constat: sed non semper alui excrementa propterea sicciora fieri cernuntur. Verum, quando ab ipsis valde oppressa fuerit, & quando vires labefactatae, & membra à quibus alimentum conficitur, & in ventre contenta distribuuntur, refrigerata fuerint, cum coitus, quæ in ventre sunt, frigefacit, & duriora reddit: volunt enim ex coitu in ventre contenta frigesce, & ex frigore durari; atque duritiam nō frigoris, sed siccitatis ratione euenire monstrauimus. quæ omnia de coitu à Gal. dicta nos ad vnguem de phlebotomia adducimus. Vnum addere liceat, nimirum copiosam sanguinis euacuationem ratione diuersi subiecti Symptomata variare moxmo dicta, facta nempè in corpore naturaliter tempera-*

Venus siccitat.

Diuerſa  
actio Phlebotomiz.



peramento frigido, & humido, quia frigiditatem augebit, ac cruditates consequentur, alui fluor emerget; si verò temperamentum infœlicis ægrotantis calidum, & siccum fuerit, aucta siccitate excrementa intestinorum magis humido priuabuntur hinc reddita sicca, & dura fistentur.

Clarum quoque est illud, quod retulit Auic. scilicet debilitata virtute, & excrementis retentis, humores prauos produci, multiplicari, & in corpore dominari, ideo cap. de Hydrope scripsit idem Auic. *Et nocibilior euacuationum est euacuatio sanguinis: propterea quod virtus debilis non valet regulare humiditates, quæ in venis continentur. quo fit, vt derelictæ à regimine naturæ facile corrumpantur, & sic accidat malorum humorum multiplicatio.*

Vt Excre-  
menta pro-  
ducant hu-  
mores.

Decimotertio. *Pregnans præterea (vt Auicenne vilum est,) et menstruata non minuatur, nisi propter necessitatem.* hoc est maximum nocumentum; quod sæpius in praxi obseruauit, ex facta enim vel mediocri sanguinis educatione, dum mulieres purgantur, fit talis reuulsio, vt cessent menstrua, & difficultè in posterum redeant, quod in fœminis pessimum est, cum multæ ob id valdè ægrotent, vnde & medicus eas interrogare, & ipsæ fateri debent ante phlebotomiam, an menstrua fluant, nec nò. igitur dum menses fluunt nullo modo secanda est vena i. quia si facta fuerit sectio in brachio, motus naturæ deorsum reuelletur sursum ad

13. Noe.

Menstrua  
nō phlebo-  
tomatur.

E 3 partem



partem contrariam, Quare naturalis sanguinis euacuatio impediatur: conceditur tamen, si menses nimis fluant reuulsionis gratia, quia Galenus docuit. de cur. ratione per sang. m. c. 6. *sectam in cubito venam mulierum purgationes reuellere.* 2. prohibetur Venæ sectio in Menstruata, quia si multa facta fuerit, & ex talo; vel augebitur fluxio attracto, & magis concitato sanguine vel deficiet ægra ex duplicisanguinis euacuatione, etenim, si iubet Hipp. 4. Acut. 116. *Si cuipiam sanguinem auferre confert, ventrem confirmare oportet, & Gal. in com. fluente aluo sang. non detrahes, nam si post detractionem perseverat fluor virtutem proster- nit.* multò magis obseruandum est ne ab Vtero sanguine fluente detrahatur sanguis à Vena. 3. non est brachij secanda vena in hoc casu. Ne sanguis copiosior, & deterior, naturæ lege, ad partes ignobiliores, & inferiores expulsus reuellatur ad membra superiora, & nobiliora. Botallus autem cap. 6. non veretur sang. mittere fluentibus mensibus, lochijs, hæmorrhoidibus, &c. siuè criticè, siuè symptomaticè fluant.

Phlebot.  
reuellit ab  
Vtero :

Botalli  
error.

14. Nocū.  
Humores  
crudi pro-  
hibent  
phleb.

Decimoquarto. Ait Auic. *quandoque est repletio ex humoribus crudis, & est tunc phlebotomia multum impediens, quoniam si minueris, non maturabis eos, & timebitur, nè ager perdat.* hæc autem recepit verbatim, à Galeno lib. de venæ sect. c. 6. vbi ait, *fieri enim potest, ut crudus per corpus collectus sit succus, in*  
quo



quo aduertendum diligenter est, quantum valeat robustaque sit virtus, & quantum humor ipse sit refrigeratus: nam exsoluta ab id genus affectibus virtus, adhibita sanguinis missione, in extremum malum recidere solet, ut nequaquam postea restitui possit. Quod ubi euenit, periculum non leue consequitur, potissimum si febris accedat statu aestiuo, stomachoque male affecto, aut toto aded corpore natura molli, & temperie humido: eiusmodi enim hominibus multa accidit per halitum digestio, repentinaque syncopa, etiam si febris haud magna inuadat. Si verò horum nihil sit, ceterum hyems fuerit regionè natura frigida, tum natura quoque hominis frigidior, ijs per sanguinis missionem, & totum corpus grauius refrigeratur, & accidunt non nulla, quæ ad grauem sequuntur refrigerationem, symptomata. Quo circa qui sic affecti sunt, eos sanguinis missione vacuare non conuenit. Quis vero fortasse opponet. C. Celsum lib. 2. c. 9. dicentem, Cum sit autem minimè crudo sanguis mittendus, tamen ne id quidem perpetuum est. Neque enim semper coctionem res expectat. ego autem responderem Celsum loqui de morbo, non autem de materia cruda: sed si instaretis vos afferendo Galeni auctoritatem de cur. ratione per sang. m. cap. 13. nullam esse crudorum humorum tantam talemque plenitudinem, quæ hoc inhibere auxilium possit. Responderem Vos non intelligere clara Gal. verba, si quidem loquitur de ma-

Celsi explicatio.

Gal. dilucidatur.



Virium ro-  
bor non est  
cum crudi-  
tate.

Magnus  
Morbus ut  
iudicet  
phleb.

gnitudine morbi coniuncta cum cruditate, & vi-  
rium robore, impossibile enim censuit simul  
posse copulari cruditatem, & virium robur,  
vnde vno existente abest aliud, ideo supra c.  
9. dixit. *ubi tanta crudorum humorum copia  
accumulata est, ut secandam venam prohibeat,*  
*istis virium robur non est.* si verò fuerit vi-  
rium robur, non poterit adesse magna crudi-  
ditas. igitur si fuerit magnus morbus cum vi-  
rium robore, quia non potest adesse magna  
cruditas mittetur sanguis copiosè, si verò  
fuerit morbus magnus cum viribus debili-  
bus sine cruditate mittetur sanguinis pa-  
rum, & existente morbo magno cum cru-  
ditate, & virium imbecillitate, nequaquam  
mittatur. Sed de morbo magno, & syndrome  
ab Hipp. allata, & à paucis benè intellecta,  
notandum, quod quando Hipp. magno mor-  
bo opponit sang. missionem, non opponit re-  
medium specificum generico morbo, sed de-  
truncatè loquitur more proprio, qui non  
semper affert omnes distinctionum partes, nos  
autem complere distinctionem debemus, &  
genericum generico, ac specificum specifico  
tollere, & quia vnum non nisi vnum indicat.  
Morbus magnus genericè indicabit remediū  
magnum, quod multiplex est, specificè autem  
morbus sanguineus, remedium sang. phlebo-  
tomiā, & ambo miscēdo dicemus magnū mor-  
bū sanguineū requirere magnū remediū san-  
guineū, id est, phlebotomiā ad syncopē, si tamē  
id



id permiserint virtus, & etas. Ita Hipp. i. de M. Mul. 103. venā secat difficulter parietī si sit iuuenis, in vigore, & multo sanguine referta, & sanguinem detrahē virium respectu habito.

Decimoquinto. Pergit Auic. scribere pericula iminentia ex phlebotomia hisce verbis.

Quum verò sanguis alicuius fuerit bonus, & paruus, & fuerint in ipsius corpore multi mali humores, phlebotomia bonum rapiet, & malum relinquet. hæc sententia desumpta est à Gal. 2. de hum. 15. Cū in corpore sanguinis probi exigua sit copia, & crudi humores sint admodum multi, tum nec venam secare, nec purgare, nec exercere hominem oportet, immo verò neque mouere penitus, neque lauare conuenit. siquidem venæ sectiones probum sanguinem euacuant, & prauum. qui in primis potissimum venis, quæ in iecore, & lactibus sunt, colligitur, in totum corpus attrahunt. ecce quod ad verbum Galeni verba transcripta sunt ab Auic. quam sententiam repetit 4. de sang. m. c. 5. At, si in eodem homine reliqua eadem sint, ceterum in lasso corpore sanguis bonus exiguus sit, crudi humores plurimi, huic nec sanguis mittendus, nec alui deiectio, aut exercitatio, aut omnino motus, aut balneum adhibendum, quippe incisa vena bonum sanguinem emittit. malum, qui in primis maximè venis circa iecur, & quod mesenterium vocant, colligitur, in totum attrahit corpus. Heus (Amici Iuuen.) adestò, & considerate Auicennam cum Galeno conuenire

15. Noct.  
Si sãg. pau-  
cus nō mīt-  
tendus.

Auic. &  
Gal. con-  
cordes.



nire ad vnguem: Vnde qui Auicennam reprehendit, simul etiam Galenum accusat, qui autem Galenū accusat, non est bonus Galenicus: sed Petrus Franciscus Paulus ille Galenum in his Auicen. verbis accusat. ergo falso se dicit ex Galenica secta.

Decimosexto. *Et sumopere tibi caue ne agrū*  
 16. Nocū. *ad vnā duarum perducas rerum: scilicet humo-*  
 Bilis ebullitio. *rum cholericorum ebullitionem, & frigidorum*  
*crudtatem.* & pag. sequenti ait. *& phlebotomia quidem* quum non est necessaria, *cholera*  
*rubeam ebullire facit, & postea aduenit lingua siccitas,*  
*& quæ sibi sunt similes.* Hic insurgunt Arabū detractores, & multa adducūt. sunt quidem contraria ebullitio, & frigiditas, sicut alui astrictio, & fluor, de quibus num. 12. verba fecimus, alibi autem ostendimus spiritū Vitrioli calefacere, & refrigerare, quod ratione subiecti contingit diuersi. itaque Barbaro. mastix, Petrus Franciscus Paulus, & cum his Leon. Iacchin. denique Sufius, pag. 116. negant à Phlebotomia bilem inflammari. Verum Auic. id videtur repetere. lib. 4. cap. de Cura Caulonidis. *Et nō phlebotometur, fortasse enim inflāmabit eos, & fortasse iāuabit eos si fuerit Urina turbida, & rubra.* Quærunt & Aduersarij huius rei rationem. Nos 1. opponemus Auctoritatem Hipp. 3. in 6. epid. & lib. de humoribus circa finem, qui de Venæ sectione, ait. *Impedimentum ijs, qui cruenta expuunt. tempus anni, pleuritis, bilis.* Ergo bilis impedit

Bilis prohi-  
bet phleb.



dit sanguinis missionem. Gal. in com. *Sectionem prohibet bilis, hoc est humor biliosus, qui redundet in corpore, perspicuum enim est sub canem venam non secari, neque etiam si homo sit admodum biliosus.* Ecce Auic. sectatur Galenum, ratio autem huius rei desumi potest ex Gal. 4. de san. tu. 4. vbi docuit sanguinem esse in medio bilis, & pituitæ: huius, quia est sanguis crudus: illius, quia est sang. assatus, optimus autem sanguis contemperat sua mixtione vtriusque vitia. ablato autem sanguine, qui frenum erat ipsorum, vtraque efferatur, & agit sola: vnde bilis ebullit, pituita cōgelatur, quare dominante in Corpore bile non debet sanguis mitti. Docuit etiam ibi Galenus sanguinem peccare vel quantitate, vel qualitate: si vitiosus fuerit; vel per se solus erit vitiosus, vel alijs humoribus admixtus: & hi erunt vel frigidiore ipsa, vel calidiore, vt pituita, & humor crudus, bilisque flaua, & atra, & addit, sang. per se Vitiosum, vel copia peccantem, si adfuerit virium robur esse emittendum, vel secta vena, vel alio modo. *Quod si Vitiosi tantum succi, hique citrà sanguinis copiam subsint, purgatio petenda est, quæ infestanti excremento sit accommoda.* præterea scribit eodem cap. humorum differentias quasdam, *Quoniam alij, priusquã ad exactum sanguinem nutrimentum perueniat, velut semicocti sunt, alij prorsus incocti, crudique, alij paulo absunt à sanguinis forma, rursus alij sanguificationis veluti*

Cur sang.  
frenū bilis.

Sang pec.



Quando  
sang. mit.

Gal. non  
mittit sãg.

Feb. bilio-  
sa non  
phlebot.

veluti ultima pars, qui utique excessu caloris  
proueniunt, (quorum alij paululum, alij plus,  
alij plurimum à sang. recesserunt) ubi pau-  
lulum, vel citrà sanguinem restitum, vel ultrà  
processum est, audacter mittendus sanguis est  
ubi plus, consideratius agendum, ubi plurimum  
in his nullus omninò mittendus est. Inspicere  
verò, & quantitatem conuenit, ut V. G. si bo-  
nus sanguis exiguus sit, reliquus verò succus  
plurimus: utique in his abstinendum à detra-  
ctione sanguinis est. sin is quidem exiguus,  
sanguis verò copiosus, audacter incidenda vena  
est. itaque Galenus prohibet sang. missionem  
existente copia humorum plurimum receden-  
tium à natura sanguinis, quales sunt crudi  
succo, & bilis, proinde in febribus à pura bile  
non est sang. mittendus, neque in Causo bilio-  
so mittit sang. Hipp. 4. de Viãu acutorum,  
immo neque Gal. in Tertianâ cont. lib. 1. ad  
Glauc. quos sequitur Auic. quando scripsit:  
*In febribus autem à minutione cauendum est,  
scilicet in ijs, quæ vehemētis sunt Calefactionis,  
& inflammationis. idest, in ardentibus bilio-  
sis, & quia ex Vrina sumitur significatio hu-  
moris dominantis, ideò subdit. Et si vrina  
fuerit subtilis aut ignea, caue tibi à phlebot-  
omia. concordans cum Gal. 4. de san. tuen. ci-  
tato. Pallidiores Vrina bili abundāte cernun-  
tur quod si meracior bilis est etiam planè flauio-  
res.* Concedit autem phlebotomiam Auic.  
existente Vrina crassa, & rubea, quia sangui-  
nem



nem dominantem ostendit possem equidem  
 perpulcras afferre de bilis efferuescentia ex  
 Hipp. 4. de morb. 23. sententias: sed nolo esse  
 longior, addam tantummodo Auicennam ex  
 colore sanguinis exeuntis cognoscere domi-  
 nium humorum: ideo dixit. *Amplius sanguinis  
 qui egreditur colorem attende, & si fuerit  
 subtilis albedini attinens, ipsum illico retine.*  
 biliosus enim vel pituitosus est, quod docuit  
 aliàs Galenus.

Itaque bile peccante phlebotomiam esse  
 nocuam probare placet legitimæ scholæ Pari-  
 siensis auctoritate, quamvis forte alij aliter  
 opinentur, si quidem Fernelius Hippocrates  
 Gallus in methodo curand. feb. c. 11. scriptū  
 reliquit. *Venæ sectio exquisita tertianæ est in-  
 commoda, ut quæ utilem, ac necessarium humo-  
 rem detrahit relicto impuro, ac noxio, sub hac  
 enim febre attenuatum corpus esse solet, pauci-  
 quæ sanguinis: bilis verò acrior ipsa febris ma-  
 teria sub cauo iecoris exuperare, & æstuarè,  
 quam venæ sectio nō eximit, Nec proinde morbi  
 substantiam minuit. Immo verò si vel sponte,  
 vel arte nimium profusus sanguis sit, plerum-  
 que deprehendes bilem acrius ferocire, febremq;  
 inualescere. Peccant igitur, qui ex Urina cras-  
 sa, atque citrina statim mittendum sanguinem  
 pronunciant. at hic certè apparet à Ferne-  
 lio Auicennæ verba esse transumpta. Præterea  
 D. Fontanonus c. de causo. Raro in hac febre  
 fit sanguinis missio, ne bilis nimium efferueat,  
 maio-*

Schola Pa-  
 risiensis nō  
 fecit  
 Venam in  
 bile pec-  
 cante.

Fernelius.

Fontan.



Libertus .

Experiētia

maioresque vires minuto sanguine acquirat, ac morbus augeatur. Itaque vitanda nisi nos alia circumstantia cogant, tumque non ultra quatuor uncias sanguis detrahendus. Hic fuit Monspeliensis. ergo nec ipsius schola ita audax est, ut dictum fuit, & uncias 4. tantum mittit. Iubertus autem in eodem coelo, ait mediocrē sang. euacuationem esse ab uncijis 4. ad 8. magnam verò ab uncijis 10. ad 15. sed Capiuaccus noster cap. de Tertianā cont. ita loquitur. Sanguis vacuandus, nisi per venam sectam immineat periculū ebullitionis cholericorum: nam tunc phlebotomia mortis esset causa. Hoc autem periculum imminet, dum bilis putrescit in venis non totius corporis, sed alicuius partis determinatæ: tunc enim post venam sectam, deducitur in venas communes totius, quarum sanguis iam est imminutus: dum ergo bilis post venæ sectionem petit venas communes, miscetur cum exiguo sanguine, qui restat, & sic post venæ sectionem maior copia bilis reperitur in venis, quam ante venæ sectionem; unde necessario fit ebullitio cholericorum. Certè Capiuaccus fuit Galenicus, & quò non Galenior alter, nec censuit Auicennæ sententiam allatam esse contra Gal. & falsam. Sed dicent aliqui se nolle his credere, sed suis experimentis, ego autem meis credam, scio autem aliquoties data opera me in tertiana biliosa intermittente venam secasse, quæ statim duplex, vel continua euasit: signum ebullitionis certissimum.

Deci-



Decimoseptimo. Iam dictū est phlebotomia facta recrudescere, & congelari humores crudos: id esse verum, modò est ostendendum. itaque ex Galeno constat à phlebotomia corpus refrigerari, sed ea refrigeratio non concoquit crudos humores, nullo igitur modo conueniet, immo refrigerando magis eos congelabit, & refrigerabit. & num. 14. iam satis ostendimus contraria quodammodo esse cruditatem (cum fiat ab imbecillo calore,) & virium robur: vnde existente cruditate non potest adesse virium robur, sicut è contrà præsente virium robore, magnā cruditatē esse, negatur. si ergo cruditas indicat in corpore diminutum calorem, seu frigiditatem esse, & Gal. atque Auicennas, ipsius fidus interpret, prohibent venæ sectionem, vt supra dixi, in tempore, regione, complexione, & ætate frigidis, cur erit sang. mittendus dominātibus frigidis humoribus? Gal. 12. meth. cap. 3. verba faciens de febricitantibus vbi maxima crudorum succorum copia est, & Syncope facillime capiuntur. *Nulli talium (inquit) sanguis mitti sine maximo dispendio solet, cum tamen vacuationem desiderent: verum nec sanguinis missionē, nec purgationem substinēt, ut potè quos sine his syncope subito adoriatur.* Nequē hæc, neque ea, quæ n. 14. attulimus videtur considerasse Salsus, qui cap. 9. promittens ostendere Cruditatem non officere sanguinis missioni. ad Gal. contrarias auctoritates non respondit.

17. Nec.  
Cōgelatio  
humorum.

In succis  
crudis non  
mittitur  
sang.

Salsus ne-  
catur.



dit. sed vnum tantum Gal. locum sibi fau-  
tem attulit. de curand. ratione per sang. m.  
cap. 12. & hoc solo loco suffultus asserit eos de-  
cipi, qui contrarium asserunt. sed debebat  
Galenus apparentem contradictionem tollere  
Galenus autem verba hæc sunt. *Vbi ergo mul-  
ta euacuatione est opus, verum vires sunt im-  
becilliores, in his euacuationem partiri expedit,  
vti nimirum, & me fecisse vidistis in ijs, quibus  
crudiorum inerat humorum copia. Nam pau-  
culo sanguine detracto, protinus melicratum  
exhibeo probe coctum cum incidentium medi-  
caminum quopiam, velut Hyssopo, origano, &  
interim etiam nepita, aut pulgionio aut certe cum  
Melicrato oxymel, aut oxyglycy: ac sic rursus  
sanguinem minuo, vel ipso eodem non nunquam  
die, interdum die postero, in quo rursus exhi-  
bito propositorum medicamentorum quopiam  
iterum de sanguine quid aufero: ac rursus 3.  
die similiter bis. sed non considerauit Salsus  
paulo ante c. 10. Gal. scripsisse. At ubi crudi  
succis exuperant, antequam morbus inuaserit,  
caute vacuabis: sed ubi iam febris corripuerit,  
vt ante monui, nequaquam. cap. enim 9. dixerat.  
tales non ferre Venæ sectionem, nos autem di-  
ligenter Galeni verbis consideratis contradi-  
ctionem tollemus, non solummodo dicendo à  
crudis succis magnam euacuationem, non  
paruam vetari, quod per se patet, vel c. 12. in-  
telligere cruditatem in primis vijs, alias in  
Venis. sed cum Gal. loc. cit. in cruditate cum  
febre*

Gal. contra-  
dictio ex-  
plicatur.



febre nullo modo esse, sanguinem mittendum, quia virium robur esse nequit cum abundantia succorum crudorum, sed stante cruditate antequam febris adueniat *cautè* vacuandum, idest, partitis vicibus. At qualis cruditas hoc permittit? colligitur ex Gal. verbis *vires imbecilliores*, atque etiam *crudiorum humorum copia*. quæ voces comparatiuæ diminuunt ipsorum essentiam, & idem valent, ac si diceret *vires parum imbecillæ*, & non valdè *crudorum*: nam cum extrema cruditas significet extremam virium debilitatem, & omnino prohibeat Venæ sectionem: parua cruditas indicabit paruam virium imbecillitatem, quæ ferre poterunt paruam, & repetitam (quia est copiosa materia) per venas euacuationem: & hoc pacto est intelligendus Gal.

Sed forsan afferret aliquis Galeni verba 4. de Viâtu Acut. 111. *Vt ignis prope extinguitur immissis lignis, tum humidis, tum multis nisi quis multitudinē sustulerit: sic & in frigidiorē ob copiam sanguine, ubi calor natiuus propè extinguitur, præsentissimum est remedium sanguinis missio, quo tempore periculum ita prehenderit.* Cui facilis esset responsio à copia sanguinis grauante per accidens refrigerari corpus ob suffocationem, etiam si adfuerit sanguinis calidi copia, vnde non potest inferri, in frigiditate à crudis succis suffocantibus esse etiam sanguinem mittendum.

Oppositio.

Resolutio.

Decimooctauo. Hipp. in Coacis sect. 3.  
F ver.

18. Nov. 11.



Quando in  
pleuriticis  
non secunda  
vena.

ver. 79. apud Cornarum, & Martianum, & lib. 6. sect. 2. aph. 18. Hollerij, & apud Duretum, lib. 3. in fine. *Dolores secundum latus in febris tenuiter consistentes, citra notas, venæ sectio lædit. Et si auersantur cibos, atque Hypochondrium attollitur. Et in perfrigeratione, ac torpore non sine febre detractio sanguinis offendit, & cum melius habere se putent, moriuntur.* 4. affectus hic proponit Hipp. in quibus non conuenit venæ sectio, quo patet error Boralli in omni morbo sanguinem mittentis, & Celsus noster in morbis. *sanguinem mittere nouum non esse scripsit. Sed nullum penè malum esse in quo non mittatur, nouum est.*

Pleuritis  
leuis.

Scholæ pa-  
risiensis sen-  
tentia.

Pleuro  
pleuritis.

Primo. Autem prohibet Venæ sectionem, Hipp. in quodam Lateris dolore *ἰχνῶς* idest qui *tenuis* vt vertit Cornarus, vel *aqualis* vt Duretus. Nam si affectio fuerit leuis, & parua, non aderit magnitudo morbi indicans phlebotomiam: ideo Gal. in quadam læui pleuritide. 3. in 6. epid. 44. noluit sang. mittere: ita Holler. Iacotius, & Duretus Scholæ Parisiensis præclara numina cū Martiano nostro inſœlicè iudicant in hoc casu venæ sectionem. si autem intellexerimus dolores æquales, vt contradiſtinguantur ab acutis, qui, vnā tantum particulā afficere, sentiuntur, & idem erunt, ac *dolores costarum laxi*. de quibus Hipp. 3. in 6. Epid. 32. & hi sunt finè notis veræ pleuritidis, vel sanguinis peccantis, phlebotomia offendit hos, quū enim non fiant à sanguine & in



& inflammatione, nocet sang. missio: fieri enim possunt à flatu, & pituita Crassa, in quo Casu. Holler. *Pituita quidem crassa lentaque in lateribus hærente, & in flatus resoluta tendente, & ita disruciante agros, aut intemperies sola, noxia venæ sectio est.* idem sentit Iacotius hisce verbis sententiam suam propalans. *Interdum verò affectus toto genere repugnat, ut cruditas, aut cacochymia sola. In cruditate enim robur virium non adest, & secta vena, quicquid est probi sanguinis euacuatur, prauus verò (qui in primis potissimum venis, quæ sunt in iecore, & mesenterio, consistit) in totum corpus trahitur. Vbi verò parum à forma sanguinis factus est ad utrumque excessum recessus, deliberatio non inciditur: ubi plurimum planè abstinendum. In cæteris cautiùs agendum præsertim cùm in alium humorem, insigni mutatione sanguis conuersus fuerit. Duretus verò. exoritur autem à prolapsu catarrhi, non ab orgasmo sanguinis: in eo, inquã, dolore phlebotomia nullam vim habet retrahendi catarrhũ concitatũ, nec detrahẽdi consistens. Ergo nec iure nec loco ad eum dolorem præscribitur phlebotomia: proptereaque tantũ abest, ut aliquid opis adferat, ut plurimum noceat: quia multum adijcit catarrho, ipsum gignendo per frigus, eundemque ciendo per infirmitatem potentiæ retentricis, quam infert. & ex his patet secundum veram scholam Parisiensem in dolore lateris ob catarrhum pituitosum, &*

Pleuritis à  
flatu.

Pleuritis à  
catarrho.

F 2

flatus



flatus non conuenire phlebotomiam; ita etiam obseruamus Hipp. 2. de Victu acutorū, flatuosam pleuritidem fomentis sedare tentasse, non venæ sectione. Vnde subdit, *sectio autem non similiter soluit dolorem, nisi is ad clauiculam pertingat*. ita igitur experimento agnouit Hipp.

Dolor lateris à bile in Vētriculo.

Cur phlebotomia nocet.

Martianus autem doctissimus com. citati tex. censet Hipp. loqui de dolore à materia tenui, & biliosa ventriculum obsidente, & probat eruditissimè in tali casu non conuenire phlebotomiam; quia cachochymia biliosa iuuatur à purgatione, & læditur à phlebotomia; Nam humor noxius tenuitate peccans, sanguine misso adhuc tenuior redditur: quare accedente febre, quæ succos exurit, & tenuitas augetur, & acrimonia, venæque per phlebotomiam inanità cachochymiā biliosā trahentes, morbum geminant: quia denique per venæ sectionem Ventriculus magis debilitatur, & acribus ichoribus repletur, quod quidem palam faciunt, & lypothimiæ, & vomitiones à venæ sectione contingentes, vnde commune præceptum est ventriculo laborante à venæ sectione abstinendum esse, quæ, si affectio simpliciter ventriculo tantopere lædit, quæ læsio expectanda erit, quādo causas morificas adeò exacerbat?

Aliud est phlebotomiæ impedimentum in dolore lateris, quod etiam Hipp. attulit lib. de hum. & 3. in 6. Epid. 5. nimirum sputatio san.



sanguinis. nam si in pleuritide expuat æger, quo vergit educere oportet, non autem reuellere: misso autem sanguine pleuritis salubris fieri posset lethalis. sed prius dixerat Hipp. *propter inclinationem non item sanguis exit, sed pro humoris cognatione talia expuunt.* (idest biliosum, pituitosum, vel melancholicum) *Nō nunquam aliquibus sanguinem detrabi conuenit, opportunè in talibus, in alijs verò, ut in talibus non conuenit.* Ecce ex Hipp. non omnibus conuenit phlebotomia. Gal. autem com. 43. *Expedit, inquit, horum aliquibus sanguinem detrabi, quibus scilicet is copiosus est, et non dum insigniter ad alterum humorem conuersus, Non detrahendus est autem in quibus iam mutatus est, Sed placet aurea quædam verba Dureti, loc. cit. adducere, ut Scholares Parisienses à præceptore edocti agnoscant errata, quæ committi possunt. Si tum ex facili, tum cito, & liberaliter expurgetur, ac sputo flauum exactè permixtum sit: tum careat omni excursu, quem ciet febris, omnique coryza, & urinarum bella sit coloratio, phlebotomiam non exigat; sed respuat potius, & auersetur: quoniam detrahendo sanguinem sputum, quod omni arte ciendum erat, retrahitur, ipsaque sistitur anacatharsis, quæ liberalis erat, & libera, quæque ipsa per se facit, ut nihil opis requirat pleuritis à medico: quia tum sua sponte quiescit. Ergo in tali pleuritide, per se sanabili à phlebotomia periculum est, ob impe-*

Sputum in  
pleurit. pro  
hibet phle  
bot.

Ad schola-  
res parisiē  
ses.



pericula  
phlebot.

*ditam anachatarsim, quæ libertate spuendi & liberalitate, votis naturæ, et Medici respōdebat; ne taceam lateris infirmitatem, quam infert repetita carnificum phlebotomia, quamdiu pleuriticus liberali, & libera fruitur expurgatione sputi, sanguine paucō permixti. ex his patet, non in quolibet pleuritidis tempore secandā esse venam. Sed ante sputi educationem.*

Pleurifis ad  
septū trās-  
uersum.

Denique altera etiam Pleuritis est, in qua secundum Hipp. de Vi&u Acut. Duretum in Hollerij praxi, & in Coac. in fine lib. 2. Prof. Martianum de Vic. Acut. non est secunda vena, sed purgatio adhibenda: inquit, enim Hipp. Experientia ductus, phlebotomiam non soluere dolorem, nisi ad clauiculam pertingat. Gal. tamen phlebotomiam permittit. Valisius, & alij Galenum sequuntur: sed nos experientiæ Hippocratis magis credimus Duretoque, & Martiano, quàm Galeni opinioni: sed placet Dureti Verba afferre, vt cognoscāt Itali veræ scholæ Parisiensis dogmata, qui scripsit in coacis de pleuritide num. 9. *tale sputum promoueri debet ijs, quæ expurgationem iuant, molliendo, leniendo, & sputum ciendo, non autem sanguinis detractione retrahi, & impediri, quod usu venire videmus, non sine mœrore, & nemesi ab istis pragmaticis vulgo dictis, qui omnem pleuritidis curationem exigunt in sang. detractione sæpius iterata quamdiu pleuriticus huiusmodi sputa expurgat cum spe salutis prediuite. O homines Reipublicæ*  
cala-



calamitosos, atque funestos ! Ipsam pleuritidem  
 quæ sua sponte nullius operis indigens cum tali  
 sputo quiesceret ex euentu reddunt mortiferam  
 sed hic addere liceat, quod Cel. Aurel. ex  
 Asclepiade c. de Pleuritide, & ex hoc P. Mar-  
 tianus in Antiparalogismo, atque Holler. 1.  
 aph. 2. referunt, obseruasse nimirum veteres,  
 pleuriticos, quibus secabatur vena Romæ, &  
 Athenis male habere, quod vtraque ciuitas  
 magna ex parte esset obuersa austris; contra  
 in Paro, & Helesponto bene habebant, quia  
 hi obiecti sunt ventis septentrionalibus. sic  
 Narbonenses Medici (inquit Holler.) repre-  
 hendunt Medicos Parisienses, tanquam ad ape-  
 riendam venam audaciores. At Parisijs facile  
 phlebotomiam ferunt, quia perflatur à ven-  
 tis aquilonibus. Narbonenses verò, & Lug-  
 dunenses non ita facilè, ea præsertim parte,  
 quæ austrum, & mare mediterraneum spectat.  
 Quo fit, vt Parisienses pleuritici bene habeant  
 à missione sang. Narbonenses verò, ac Lugdu-  
 nenses lædantur.

Decimonono. Prohibet venæ sectionem. 19. Nocē.  
 Hipp. si eger auersetur cibos, in cibi fastidio;  
 ideo dixit nunquam satis Laudatus Auicen-  
 nas. Caue præterea tibi ne fastiditum phleboto-  
 mes; sed prolonga ipsum ab hoc, vt ei fastidium  
 digeratur. Et tibi etiam caue, ne subtilitatem  
 sensus oris stomachi habentem, aut ipsius debili-  
 tatem, phlebotomes, & infælicem, ex generatione  
 cholerae rubrae in ipso; huiusmodi namque sibi

In cibi fa-  
 stidio.



*cauere debet à nimia quoque audacia in minuendo, & proprie quum est ieiunus. Sensus verò subtilitatem oris stomachi habentem dignosces, propterea quod à rerum mordicantium deuoratione molestatur. Et habentem oris stomachi debilitatem cognosces ex desiderij ipsius debilitate, et doloribus oris stomachi, & habentē os stomachi aptum receptioni cholerae rubrae, & in quo ipsa etiam multum generatur dignosces ex perseuerantia nausae ipsius, & propterea quod cholerae quaque hora vomit, & ex oris ipsius amaritudine. Isti namque quum phlebotomati fuerint, oris stomachi conseruatione non praemissa, accidet inde timor magnus & quandoque moriuntur inde. Sed à Galeno edoctus fuit Auicenna. 9. meth. cap. 5. Quibus os ventris, aut amara bile abundat, aut imbecillum est, aut supramodum sensibile à sanguine detrahendo debortantur. Martianus censuit Ventriculi hoc fastidium oriri à bile, & ideo nocere phlebotomiam: Iacotius verò ait, quod inappetentia venae sectionem in febribus prohibet, cum à crudis humoribus existit. Duretus autem pluribus doctissime ostendit in cibi fastidio dicto sine febre non esse secandam Venam; signum enim est ventriculi exoluti, & facultatis eius emortuae, vel à catarrho viciatae, & ait. Hic venam secare, nihil aliud est, quàm hominem iugulare: quoniam venae sectio, periculi loco adijcit, ac viribus detrahit ipsasque iam morbo fractas, ac genio defraudato*  
*per*

Phleb. no-  
cet bilio-  
sis.



per τὴν ἀποστίαν collapsas ad exitium planè præcipitat.

Vigésimo. Prohibetur ab Hipp. Venæ sectio si quis habeat tumidum Hypochondrium Holler. ait. *Potest quidem attolli flatibus, ubi non conveniat phlebotomia. Potest tumore laxo, & indolente tuberculo, ubi nec ea tam prodesse, quam nocere potest.* vult tamen in Hypochondriorum inflammatione omninò secari venam. Iacotius non diffidet, quia in scirrho cōfirmato, aut multis cruditatibus circa iecur collectis, aut cum à flatu est, non iuuatur à venæ sectione. At Duretus tres adducit causas Hypochondriorum inflatorum: inflationem, inflammationem, scirrhum: & inflammationi concedit sang. missionem, negat in scirrho, & flatu, ne maior cruditas, quæ flatuum parens est, ex sang. missione exciteretur calore minuto. Botallus tamen amethodus in omnibus doloribus à flatu, & in causa frigida, et in omnibus partibus, vult secari venam. Sed Martianus censuit Hipp. verba facere de Hypochondrio tumido propter bilem: nam febris adesse videtur, qua præsentē Hipp. prohibet venæ sectionem ut 5. in 2. Epid. vers. 10. *Si verò ulcus fuerit internas venas secato, si non febricitet, & paulo infra. ver. 18. Quicumque de repente voce destituuntur si sine febre fuerint venam secato.*

20. Nocū.

In Hypocō  
drio tumi-  
do.Feb. prohi-  
bet aliquā  
do phleb.

Vigésimoprimum. Alterum etiam nocu- 21. Nocū.  
mentum à M. Rullando de Venæ sect. scriptum  
& à me



Longa cō-  
ualeſcētia:

& à me, ac meis Romanis medicis obserua-  
tum, quod, qui multa vſi ſunt ſanguinis eua-  
cuatione longiſſimam habent conualeſcen-  
tiam: habitus enim refrigeratus, penuria ſang.  
& caloris, ac Hepar imbecille, non ſiunt ægrū  
adipiſci robuſtas vires, & Gal. id docuit. 9.  
meth. 10. vt ſupra pag. 54. ſcriptum à no-  
bis eſt.

22, Noct.

Articuli  
lęſi à phle-  
bot.

Hiſtoria .

Vigefimoſecundo. Abusus eſt venæ ſectio-  
nis in affectibus articulorum . quos Hipp. non  
venæ ſectione, ſed purgatione curare tētat: per  
bellè autem Bonauent. Grangerius in ſua ad-  
monitione ad Botallum p. 87. oſtendit venæ ſe-  
ctionis abuſum in hoc caſu . *nam Experien-  
tia ſæpe didicimus ( inquit ) frequentem ſan-  
guinis detractiōnem Arthriticos præſenti qui-  
dē moleſtia liberare, ſed maioris poſtea in mor-  
bum procliuitatis occaſionem eſſe .* refrigera-  
tur enim corpus ex quo dolor quieſcit, & flu-  
xio tunc reuellitur, ſed corpus fit debilius, co-  
ctio vitiatur, excrementaque in corpore aug-  
entur , *nam Calor imminutus pro laudabili  
ſanguine ſeroſum gignit , qui à partibus , quæ  
articulos circumamplectuntur, ad nutritionem  
attractus , in alimentum partis cedere nequit ,  
partium imbecillitate, & ſanguinis attracti vi-  
tioſa qualitate vnà conſpirantibus , vnde arti-  
culorum dolores recrudeſcunt .* Ego autem  
vidi aliquos, qui in dolore podagrico Hirudi-  
nes parti affectæ applicabant, & ſtatim dolor  
ſedabatur , ſed breuī redibat cum oedema-  
te ,



te, & acerbior ob refrigeratam particulam.

Vigesimaltertio. Abusus est, quem ex Ludou. 23. Noct.  
Sept. in Animad. med. lib. 4. num. 2. afferre li-  
bet. *In sanguine detrahendo cauendum maxi-*  
*me, ne quanto putriorem, & deterioris condi-*  
*tionis sanguinem è vena profluere viderimus*  
*tanto maiorem quantitatem effluere sinamus,*  
*quod plurimos facere obseruamus: tali enim*  
*existente sanguine: & pauciores subesse spiritus*  
*constat, & vires facillime solent collabescere.*  
optimè autem scripsit longa experientia edo-  
ctus, putredo enim per venæ sectionem non  
tollitur, teste Gal. sed per purgationem: Gal.  
autem 1. ad Glau. cap. 11. in Quartana. *Si*  
*vena incisa (inquit) is qui fluit, niger videatur*  
*ac crassus ( præcipuè verò in ijs, qui liene labo-*  
*rant, huiusmodi visitur) audacius mittendus*  
*est. qui si flauus, aut tenuis apparuerit statim*  
*supprimendus.* & subdit Steph. Atheniensis in  
com. *metus enim esset, ne eo vacuato vires dissol-*  
*uerentur.* nam si vitiosus non est, cur euacuan-  
dus? non videtur esse vitiosus, quia non ap-  
paret crassus, & Melancholicus, qualis debet  
esse ad efficiendam Quartanam, si verò fue-  
rit niger large vacuandus, quia feбри mate-  
riam suggerit, & illa nigredo indicat assatio-  
nem, quæ minuitur Venæ sectione refri-  
gerato corpore. putredo autem non tol-  
litur.

Ne sang.  
putridus  
extrahatur

Sang. opti-  
mus nō mit-  
tendus.

Vigesimoquarto. Admonemus iuniores 24. Noct.  
Medicos nostrosque discipulos ne sanguinem  
mit-



Immodica  
Venus.

mittant ijs, qui immodica Venere sunt vfi. *Tibi Caue* (inquit) *in minutione sang. post coitū.* Sed Botallus. cap. 18. id negat & ait lumen-  
dam indicationem à morbi specie, ac magni-  
tudine, & Venarum plenitudine, ac se multis  
post coitum ægrotantibus copiosè sangui-  
nem demisse, quamuis enim copiosa fiat spiri-  
tuū animalium, & vitaliū resolutio, non tamen  
fit tanta materiæ in venis existentis inanitio,  
vt si contigerint renum inflammationes, quæ  
plerumque à nimio concubitu fiunt, sang. non  
debeant mitti? cum dictæ inflammationes  
affluente sanguine calidiores ad partes motu,  
& labore calefactas, vel accedit feb. & sæpe  
præcessit vsus calidiorum, multorumque ci-  
borum ad roborandum coitum.

Responsio.

Resp. etiam si morbus phlebotomiam requi-  
rat, tamen non existente viriū robore, non esse  
peragendam. ex multa enim venere. (vnā  
enim vicem non numero, quamuis quosdam  
etiam viderim ob vnicā vicem obijisse in-  
tempestiuè factam) virium robur exoluitur  
vnde Gal. 3. in 3. Epid. 87. *Venus nervis &  
Cerebro nocet, vires elidit, & debilitat.* & 5. in  
6. Epid. 26. *venus exiccat omne corpus.* & Ae-  
tius. ser. 4. cap. 41. *Venus* (inquit) *maximè de-  
bilitat corpora natura imbecillia, rarefit ipsis  
cutis ex vehementi motu, & plurima fit per  
transpirationem discussio, ac exhalatio, & pro-  
pterea siccitas, aliquando etiam frigiditas sequi-  
tur, tum propter raritatem, tum propter caloris*  
tran-

Hipp. non  
purgat de  
lassatos à  
Coitu.



*transpirationem, ac sudores. Hipp. autem 4. A cut. 115. negat med. ijs dandum esse, qui ex Venere laborant morbo. cuius ratio defumi potest, quia l. de Genitura initio, secernitur (inquit) quod in corpore robustissimum. Argumentum est, quod Veneris usu paucula adeo re emissâ imbecilles reddimur. & cur Eunuchi debiles, an quia semine carent?*

Vigesimoquinto. Aliquando sanguinis emissio sterilitatem inducit. Hipp. de aere, aquis, & loc. num. 51. de Genitura. 3. de locis in hom. 7. Venas retrò aures sectas sterilitatem inferre scripsit. Nam ea sectione facta & multo sanguine emanante somnus scytbas corripit præ imbecillitate. hæc igitur venæ sectio maxime debilitat, forte, quia per eam multi spiritus Animales resolvuntur: unde corpore refrigerato, & debilitato non arrigitur. idem nos contingere dicimus etiam alijs venis nimis copiosè, & frequenter euacuatis; quia corpus violenter refrigescit: ex quò morbi frigidi oriuntur, inter quos est priuatio coitus, & sterilitas ob semen infœcundum, & qui fœcundus esse potest, in corpore imbecilli? redditur certè semen frigidum, & quale est decrepiti senis. auditè fernel. l. 2. meth. med. c. 16. *Neque tamen confidentius, atque audaciùs, crebrior venæ sectio adeunda. non parum enim spiritus calorisque demit, ac in senectutem immaturam, & hanc morbis grauibz obnoxiam, præcipitat: cuiusmodi sunt Cach-*

25. Nocū.

Sterilitas.

Fernelius.



*chexia, Hydrops, Arthritis, Tremor, Paralisis, Apoplexia, Impensius enim refrigerato natiuo calore, humidoque primigenio imminuto, viscera languescunt cruditas dominatur, quæ tot malorum causa fit, atque origo. ecce quid statuit Parisiësis Hippocras de frequenti phlebotomia. Gal. autem de cucurbitulis cap. 4. Eodem anno venam frequenter incidere, minimè quidem rationi consentaneum arbitramur, quando quidem cum larga sanguinis copia vitalis quoque spiritus emittitur, quo sanè absumpto, crebrius quidem, moles uniuersa frigescit, tum naturales functiones omnes deteriores redduntur. Iubertus etiam prohibet frequentem phlebot.*

*Quæ posset  
afferri.*

**Admonitio**

Possem multa alia afferre de abusu Venæ sectionis in cacochimia. Obstruc. in febribus putridis, & intermittentibus, & pestilentibus, in peste ipsa, in Variolis, in morbillis, in scabie, Dysenteria, & in alijs morbis, dum aliqui sine distinctione vlla, absque methodo omnibus promiscuè dictis affectibus sæpe, & copiosè sang. mittere non cessant. sed video Epist. hanc quam breuem esse volebam, nimis excreuisse ergo receptui canam, iterum, atque iterum admonens discipulos meos, quos præ Urbani VIII. P. M. benignitate, & Illust. Card. Barberini humanitate pro officio instruere debeo, ne se permittant seduci ab abusu aliquo, vt magis quam conueniat Morbo, Regioni, aeris constitutioni, ætati, habitui exercitio, temperamento, viribus, & alijs considerandis ante  
phle-



phlebotomiam, ægrotantibus sanguinem educât, sciantq; deterius esse peccatum in excessu, quam in defectu; nam excessus tendit ad mortē, nec à natura, vel arte emendari potest, defectum verò sæpa natura supplet, & ars iterū perficit. Et inter omnia dum Romę commorātur animadvertāt, & credant Veterū nostrorum Experimentis rariùs in hoc calo magnā convenire sang. euacuationē; quæ tamen quādoq; non est prohibenda Credantq. magis experimentis plurimorū Medicorum, quā vnius, vel alterius. Atque fidem adibeant ijs, quæ præclarissimus Alex. Petronius Gregorij XIII. P. M. medicus, vir insignis, & in medica arte excitatissimus. l. 1. de Vi&u Rom. c. 2. scripsit. hisce verbis. *Cum his quoq; illud memoria perpetuo tenendum est, quod hic aer, ut frumenta, & cætera, quæ nos alunt, celeriter macerat; sic nostra corpora, & flaccida, & ut vulgo dicitur frolla, latine forsan fracida, continuè reddit; adeò mirum non sit si neque copiosam sang. missionem, neque insignem purgationem, hic facile tolerant.* recte igitur cum Auic. dicere possumus Medicis sanguinem missuris *Caue, Caue:* nam plurima imminent pericula ex abusu sang. missionis, & quotiescumque Auic. dixit *Caue* sequutus est Hipp. atque Galenū, eandē venæ sectionem cautē, & non temere faciendā prius docentes. sed mirum profecto est quosdam reperiri, qui dicant se in Nosodochijs curantes pauperes, egenos, ob inediam, præ-

Alex. Petronius.

Abusus.

uum



uum victum, paupertatem, labores, frigora, calores, & huiusmodi alia egrotantes, frequentiore, & copiosiore in ijs adhibere vacuationem sanguinis, quod expresse est contra Galenum, rationem, & vera experimenta artis, qui. 11. meth. c. 15. *Sanè accidit (inquit) ut in eiusmodi morbis (idest præcordiorum phlegmone) diuites potius, quam pauperes perperam curentur: quia inter initia quidem sanguinis missionem maior eorū pars propter molliem non admittit, tamet si magis, quam pauperes redundantia sanguinis affectibus sunt obiecti, qui magis, tum cibis se impleant, tum in otio vivant.* tandem concludam, studiosi Iuvenes. **Conclusio.** Venæ sectionem sapienter esse adhibendam, cautè, & liberaliter, non temerè, non excessiue, neque defectuosè, propter ea, quæ exposui pericula, deducunt ad vltimum terribilium idest Mortem, & hæc de abusu Venæ sectionis sint satis. in sequenti epistola tradam verum ipsius vsum, & idoneum phlebotomiæ modum, tempus, quantitatem &c. Valete interim, & plaudite.

F I N I S.



frigora,  
s, frequen.  
re vacua.  
contra  
ita artis,  
) of in  
phleg-  
gram  
quum  
litum  
cur-  
volut  
in oio  
mest,  
dum  
centi-  
revol  
obum  
tionis  
tum  
mest,  
on, &c







Blood  
Castelli